

光緒餘杭縣志稿

鄉里補遺

梧桐村

吳農祥梧桐園詩集有餘杭梧桐村省墓詩

萬石里

郎浚字會通好山水遷居餘杭遭大水給米於鄰

里鄉黨間一月有餘里人遂名其里曰萬石稱其族曰郎

宅

郎氏家譜載趙汝愚詩畧

市鎮補遺

倉前鎮

在縣治東十五里建有臨安倉故名

長橋鎮

在縣治東二十里橋跨官塘東為錢塘縣界

橋梁補遺

鎮龍橋

在縣北三十三里后郎庄道光丙午年邑人胡正

七者餘杭縣志稿

茂王大發倡捐重修

太平橋

墩塘橋 徐家橋 樹東橋 橫瀆橋在山後庄

南山橋

在縣北后郎光緒十五年里人駱長募脩

太平橋

在縣北四十里東林東二庄

崔家橋

東溪橋 廟前橋 石灰橋在東林庄餘武交界

騎坑橋

周橋在東林庄光緒二年里人韓學孟募捐重修

高橋

在東林西庄光緒初年里人姚天聖捐修

徐家橋

在東林西庄同治七年里人捐修

新橋

在東林西庄

鎮東橋

陶村橋在黃坑庄同治十年里人施垚升施鳳陽

施錦玉羅嘉興羅尙珍捐修

黃溝橋 有采橋 中石橋 袁家橋在縣北二十五里黃

坑庄

搖家橋 妙橋在山後庄

黃坑橋 光緒初年里人捐修

初山橋 光緒初年后郎庄翁芝舫募捐重修

大石橋 在縣東北三十三里

官溝橋 長橋 塘同橋 和睦橋 朱家橋 大橋 門

神橋 秋家橋 鄧家橋 胡家橋在山前庄

山水補遺

宋家山 縣東南護國宋家等山皆平地突起遠近錯峙雖

不聯屬然諸水環繞風氣完固

見嘉靖志

光緒餘杭縣志稿

由拳山 浙江又東逕餘杭故縣縣南有大壁山郭文自陸

渾遷居也 見水經注應列舊志隋書地理志之下晉書隱侯傳之上

金鵝山 山旁支隴直抵錢塘與龍門山相接 萬曆府志

象山 在縣北三十三里與俗稱栲栳山環對為前山後郎

之屏蔽

天平山 在縣北東林西庄山林僻深盜賊匿伏山中向有

佛殿同治七年重建今僧人亦不敢住持

白鶴山 在縣北東林西庄界

百缸山 塔母山 均在縣北山後庄界

幽嶺 元至正十一年徐壽輝將項普畧等屢犯杭州攻獨

松百丈幽嶺三關董搏霄擊之分軍為三一軍出獨松一

軍出百丈一軍出幽嶺然後會兵搗賊巢遂乘勝復安

州見讀史方輿紀要

獨松嶺 自天目山而北重岡結澗迴環數百里獨松嶺傑

峙其中見讀史方輿記畧

沈坡嶺 在縣北東林東庄餘武交界

碎石嶺 在縣北東林西庄界上通黃湖獨松關下通瓶窑

界嶺 在縣北東林西庄餘武交界

長嶺 在縣北東林西庄上通黃湖

泥墳嶺 在縣北東林西庄界

秋河 石河 在縣北四十里東林西庄灌西坂之田每年

立秋後三日始開壩立有碑石

光緒餘杭縣志稿

湯河 在東林西庄灌一堡村之田

水利補遺

陶村石堰 在縣北二十五里陶村沙堰之上蓄水灌漑山

後一二后郎一二東林一二等庄田畝咸豐六年大旱里

人按畝捐築其水由北苕溪經陶村橋至堰放至黃溝漣

進波羅坂轉小圩之東溪由查湖塘大陡門出水順流至

搖家橋妙橋直落至石瀨六里之人咸賴之

陶村砂堰 在黃坑陶村橋之下兵燹前每遇大旱興築水

由黃溝橋鎮東橋進過古城下坂孟家圩方家坂小圩堰

頭上波羅坂根豆坂沈家圩譚坂郎家圩中埧陶村坂由

有采橋入大溪光緒二十四年大旱里人按畝捐資興築

張堰 在縣治東北二十里考此水由北溪之南過陶村及石砂兩堰每遇亢旱里人於此堵築使水從旁流經小石橋入黃埧前後二漕溉黃埧姚埧裏外新埧陳埧插埧諸田若從黃埧東塘陡門出水可灌溉山前埧田二百餘頃咸豐六年及光緒二十四年大旱皆里人按畝捐資堵築沙草堰 在縣東北二十里張堰渡下半里許每遇歲旱農民堵築使北茗溪水旁流進祥埧陡門諸港灌溉山前一二庄田禾更可資雙黃兩鎮船筏輸運百貨至密鎮由頓村陡門出水至官溝橋入錢塘界茗溪道光十二年二十三年咸豐六年光緒二十四年農民均集資堵築咸豐六年有碑記在莊村廟

光緒餘杭縣志

亞頭堰 金家兜堰 在東林西庄均灌墳山坂田

黃泥堰 在東林庄灌東林裏坂田

借米堰 在東林東

新堰 在東林東灌沙塘坂田

何家堰 和尚堰均在后郎庄灌瓜村坂田

新田堰 在東林西庄灌後坂田

茶堰 在東林東埧久未修

鯉魚堰 在東林東西二庄灌周家坂田

曹家堰 在東林西庄灌曹家坂田

朱家堰 在山後庄灌溉沈家圩楊大坂田禾水由白鶴山

下而經騎坑橋至前村廟落周家坂經雙橋進樹根橋入

堰光緒二十四年旱里人捐資重修

姚埧澆 在縣東北二十里灌姚埧北坂田

窑壩 在縣北東三十五里錢餘交界處乾隆初年里人翁  
濤等創築長四丈有奇同治八年邑人翁方型葛文貴馬  
廷祥重修

胡壩河 在縣北四十里后郎庄今淤

龍潭壩 在縣東北三十里長十丈廣五丈有奇光緒二十  
四年里人沈祝齡徐廣煜創建

三里塘 在縣北三十三里常熟鄉漑北岸畝楊家圩龍舌  
嘴祝家兜石瀨壩木缺口等畝田高一丈二尺上廣九尺  
下廣二丈長七百五十弓上通雙黃下達窑鎮道光二十

光緒餘杭縣志

九年里人喻謹法王珍王德其盛朝佐請款並倡捐重修  
光緒八年里人王有加等募捐復修

清水灣塘 在縣北山前一二庄自插埧以上至清水灣名  
祥埧塘中有祥埧陡門自清水灣至南山腳名清水灣塘  
中有頓村陡門兩塘並在北苕溪旁溪水泛漲南苕中苕  
北苕三溪會合皆出於此俗名十里險塘道光三十年埧  
十六缺里人請款重修光緒八年又埧里人復請款重修  
沙塘 在縣北東林東庄光緒十六年知縣楊炳灼請款重  
修

沈家圩塘 在縣北三十一里石瀨鎮東光緒十九年里人  
翁西山鄭蘭芳捐修

風塘 在東林西界

上溪塘 新填塘 舊填塘 王家圩塘 均在后郎庄

兵制補遺

宋

紹興四年置馬政監臨安之餘杭及南蕩 宋史兵志

郵政補遺

宋

高宗建炎四年知臨安府奏免九縣科配 康熙志

帝顯德祐元年賜餘杭縣民錢及今年田租 續文獻通考

明

英宗正統六年七月巡視浙江刑部郎中劉廣衡發粟賑

光緒餘杭縣志稿

杭州九縣饑民 明實錄

孝宗宏治四年九月允餘杭縣鄒幹乞免災傷錢糧 府志

神宗萬曆三十七年浙西災淮海甯餘杭臨安糧米改折

給賑 明實錄

國朝

乾隆三十九年浙江錢塘餘杭等縣免冲坍及築堤占用

民地田賦 通典

嘉慶六年大水蠲緩新舊額賦 光緒杭州府志

職官補遺

令

後漢

甯武 見元和姓纂

晉

謝藤 見蘭亭石刻 應在范甯后

謝憲 見廣古今五行記 應在王允后

六朝梁

劉 失名見吳均送劉餘杭詩 應在沈休季后

唐

顧胤 見唐書宰相世系表 應在常師儒后

宋

范元謨 汝南人宋初任

朱師道 字希聖岳陽人景祐三年權令見徑山記

光緒餘杭縣志稿

明

潘永明 洪武三年以新城主簿署餘杭縣事撰碑記見府志金石門

簿

明

楊銘德 見始豐稿廟學記洪武末

尉

唐

盧栝 見盧杞撰父濤墓志銘杞官大理評事非奸相 應在鄭銳后

宋

黃瑛 字君度建安人景祐三年見徑山遊記跋 應在孔文仲前

孫鎮 龍泉人嘉定間任見樓攻媿集

丞

林國縉

山陽人乾隆元年在

楊秉軸

天津人四十八年在

教諭

元

王原皞

字彥宏至正壬寅舉人官餘杭教諭元末歸隱見岷縣志

蔡戴樾

石門人廩貢康雍間在

孫觀

嘉善人舉人乾隆元年任

訓導

丁祖植

雍正初年任

選舉補遺

光緒餘杭縣志稿

舉人

王

焯

乾隆癸酉順天中式見府志在葉萬青前

拔貢

嚴

津

順治年

歲貢

鮑

櫛

康熙戊辰涇安訓導

孫錫燦

乾隆庚寅

郭之端

孫之泓

康熙辛未

副貢

王利民

三中副車見杭郡詩輯王咸亨傳利民其子也

史一部

康熙年副貢見郡志在董之栻前

康熙年鄉飲賓



王鍾元 郎益道 郎貞士 沈伯豪 沈彬

沈楷 孫鳳翥 孫鳳起 孫培春 孫錫黼 見孫氏家譜

雍正年鄉飲賓

孫渭 孫本珍 孫辰瑞 見孫氏家譜

乾隆年鄉飲賓

沈曰摺 沈曰揆 郎垣 郎震錫 沈學詩

胡兆美 郎星景 姚世燧 均見家譜

武進士

康熙三年甲辰科

嚴樽 餘杭人錢塘貫

十五年丙辰科

光緒餘杭縣志稿

沈昌鼎

十八年己未科

俞王戩

武舉人

康熙十四年乙卯科

吳日昌

十七年戊午科

厲逢新 俞王戩 己未進士

二十六年丁卯科

陸標 徐文成 趙良士

二十九年庚午科

高文銓

五十年辛卯科

沈元章

五十二年癸巳科

徐裳

沈元揆

五十六年丁酉科

章之榮

乾隆九年甲子科

王廷遴

二十一年丙子科

何堃

福建千總

光緒餘杭暨稿

循吏補遺

趙金舒城人萬歷年以吏員任餘杭縣丞嘗署縣事縣故

有豪魁歐春充徒者十有四充軍者再卒逃歸金痛懲之

春以計脫旋行賂蜚語上控僉事而府守運副雪其誣再

雪再誣卒以削官去事詳田叔禾集

田汝成信餘杭縣丞趙君序餘杭縣風俗

險薄喜許訟以相高豪之魁者則剽竊律例構鬪是非以

忿起滅又能援結上府胥史以挾制令丞丞有事上上

府者必請計乃敢往徒黨從之遊者受業若弟子然誓決

死生觸一則餘者糜沸蓋積習使然也自予目所睹記則

喻滋為之魁喻滋死而歐春為之魁歐春充徒者十四犯

充軍者再犯矣春之充軍青浦也縣遣解子押皮所未至

可百里春夜醉解子縛投沙渚逃歸黎明解子叫沙渚中

他舟在而援之得不死亦歸懼春惡不敢舉控會有徐球

者亦豪魁也行五眇目號瞎五一曰乘馬經春廬春方課

家童墾官堤樹菜球曰官隄誰為墾者春叱曰瞎五墾官

隄者我也爾何為者而敢誰何墾家童毆之球策馬而遁

慚恨思所以報春者會縣丞趙金者履任三月署縣事以

風裁自勵綽有能聲球喉解子曰何以不狀詣趙丞解子  
曰舉固易易耳奈觸惡何球曰趙公嚴明春雖惡無能為  
也解子敬諾詣趙君列冤狀趙素稔春惡捕詣臬臺副使  
陳公報曰歐春怙惡不改再成仍逃縣家重撻二十以百  
勛枷枷市為令趙君得報枷春縣門春恨之故倨慢趙君  
出入春荷枷端坐不起趙君未敢誰何也會長至迎龍亭  
出縣春亦端坐不起趙君猝春庭撻之曰若眇趙丞迺敢  
眇皇帝耶台市民四人晝夜守之不得展轉春自度必死  
趙君手而春有兩女皆殊色善歌舞里人憚春惡莫敢委  
禽而其子婦又壯有力善擊劍走馬春迺夜市酒飲守者  
令兩女歌舞灌勸守者皆沈醉時大雪寒甚春與兩女陽  
附火劈牀為薪冀以亂其聲俾守者不疑頃之皆鼾睡春  
遂劈枷而遁子婦負之以行行四十里比明守者始覺一  
縣皆驚以為脫之四方矣而春故詣臬臺時僉事謝公掌  
分巡春遂詣謝公列狀且誣趙君納徐球賄將殺某以滅  
口並誣趙君他贓以干計謝公信之更下府守府守嚴公  
雅知春惡重撻之雪趙公誣狀謝公怒更下貳守邱公運  
副白公覆按之按如府議會縣有高貫者亦豪魁也富而  
不法當趙君署縣時貫殺人當死行賂上下皆為曲解趙  
君獨論罪如律貫恨趙君與春比周行賂蜚語為趙君賂  
臬台千金謝公聞之愈怒親按之竟削趙君官而論春枷  
號充軍如舊趙君罷而臨安丞胡宏來署縣事貪酷並行

光緒餘杭縣志

民不堪命有欲赴訴上官者宏知之擒其人庭撻之罵曰  
人謂餘杭刁餘杭固自刁昨告趙丞今復告胡丞耶久之  
貪酷愈甚民有懇謝公者謝公果撻之罵曰人謂餘杭刁  
餘杭固自刁昨告趙丞未一月乃復告胡丞耶宏聞之庭  
笑謂左右曰爾翁料事何如左右皆竊笑竟以善事得代  
去田子曰趙君之去也民咸憐之以讓口騰溢惡之詞竟  
墨墨不得白何哉况乎上事議三月耳即使不合比之胡  
宏固霄壤也彼蠢民而無恙此嫉惡而罹災豈非命歟雖  
然元惡之在世殆有神物護持者猶虎豹梟鷂之生育字  
微于林藪也其不可盡殄者天也故神道雖惡然非逢  
機搆會不敢輕舉孔子曰人而不仁疾之已甚亂也諺曰  
惡貫未盈莫之敢撻撻之反傾天心未厭莫敢已亂已亂  
益叛信哉趙君行矣彼哉彼哉吾不知其稅駕之所也

陳鸞大庾歲貢庾山樵者陳文或之曾孫主簿餘杭餐冰

嚙蕖一介不取有隱君之風 田汝成撰庾山樵者傳

韓國輔錦州人國學生順治五年知餘杭縣時山寇充斥

國輔為令有將帥風遇警輒擐甲提戈能殺賊民倚以安

未幾卒於任祀名宦

光緒杭  
州府志

何玉如字淡岩洛陽人順治十二年進士康熙三年知錢塘縣勸課農桑招集流移崇學校催科撫字咸頌神明錢塘下鄉當苕水下流餘杭南湖一決未抵太湖則下鄉先爲巨浸玉如以餘杭苕溪雖他邑事實一郡所當爭者因請於巡撫范承謨開濬南湖以太湖承其委而杭郡均受其利民咸德之後升保定同知遷太原知府

錢塘  
縣志

朱宗文字迦陵海鹽人順治五年舉人爲餘杭教諭院司皆才之令攝縣事政治有聲馳救民間失火爲大樹壓折

幾死

海鹽  
縣志

陳夢說字象臣絳縣人乾隆十三年進士由部郎授甯紹

光緒餘杭縣志稿

台道未抵任巡撫檄閱紹興宋家溲海塘議當修復從之調督糧道卻餽金漕政肅然修餘杭南湖隄犯有誣服者必平反之

朱珪撰  
墓志

光緒餘杭縣志稿

宋

列傳補遺

沈杞紹興初知廉州時貢舉附雷州杞憫士遠涉鯨波請于本州置選場詔從之自是士益奮勵得入為盛後立祠

於學宮祀焉

雍正廣東通志

明

孫坦字用履忠烈公燧從孫也孝弟力學補增廣生員朝命旌文學孝義子鏐字鳳山處士

國朝雍正四年並祀忠義孝弟祠

孫氏家譜

孫章美字樵雲廩生天資朴實篤志好學每試輒冠其曹

光緒餘杭縣志稿

父桂枝為歸安學官時以文質湖州宿儒韓求仲韓奇賞之富陽周氏構訟欲鬻產充訟費章美以數言息之著有五洩記菽花詩帆影集

國朝雍正四年祀忠義孝弟祠

孫氏家譜

諸允修字安所由餘杭徙仁和萬歷二十年進士授襄城知縣入為工部主事督理通惠河三遷河南左布政使寇迫郊外民擁門號哭求入議者不聽允修曰此吾赤子奈何以飽賊刃乎乃由別門先出精兵數十里外設伏衛之親坐城樓啟門令入所活數十萬以南光祿卿致仕

乾隆府志

沈裔昌字茂之服官北省歸有盜夜入其家裔昌避牆東於星月下視盜狀甚悉翊日眾欲報官裔昌曰予素食貧

身外無長物年已七十乃匍匐公庭乎竟置之祖宅鞠爲

茂草出貲重建祖塋地稅獨償之不與族人校沈氏家譜

孫溇字少懷廩膳生員遜志篤學聞王龍溪錢緒山講學

天泉負笈往從積廩膳貲置田以贍族士

國朝雍正四年祀忠義孝弟祠孫氏家譜

沈伯齡字維年嘗出遊至太湖鄰舟覆解衣衣之不問姓

名至丹徒拾白金百兩卽次以待凌晨客號泣來卽還之

封識宛然沈氏家譜

翁濤字汝洪姓好施嘗捐地爲義冢遇歲饑捨棺木以葬

餓孳曾於蓬崇嶺拾遺金三十兩託疾止其處俟亡金者

至驗實全歸之楊侯崇特舉鄉飲卒年七十有五翁氏家譜

光緒餘杭縣志稿

翁富春字惟懋萬曆十六年歲大荒屬嘗稱貸者焚其券

又捨藥治疫活者甚眾按院李給冠帶翁氏家譜

沈倫字大正號兩塘性寬和有膽識富豪某先以錢貸莊

農旣欲強以其女爲妾女已字他姓農計無所出商諸倫

倫令卽夕遣嫁豪怒甚索負益力欲訟諸官倫婉爲開說

代償四十金事得寢沈氏家譜

蔣嘉家貧棄儒從刀筆爲郡吏藉之養親事祖母繼母至

孝人以冤苦投無不救解成化二年一夕暴卒至廣庭中

見主者曰汝壽當終念汝事親純孝公門積德增壽三紀

嘉以此言敬錄廳事濟人益力由吏曹辦事得陶文襄之

舉歷官憲副子儼登第儔鄉舉僖名儒陳宏謀輯在官法戒錄

按舊志無蔣嘉傳選舉表亦無儼傳初疑爲餘姚之誤  
檢餘姚志並選舉表亦無其人陳文恭公似不至誤姑  
錄之以待考

董孝明末舉鄉飲賓鍵戶誦讀足不履公庭橫逆不校亮  
節高風迥超塵俗

董氏家乘

徐行恕字鏡非世以易名家中萬曆三十一年鄉試爲德  
安縣知縣鼎革後杜門不出與嚴調御張遂辰稱城東三

高士

城東雜記

國朝

董汝漳由北雍選拔授光祿寺署丞克勤厥職上方品物  
毫髮無私建會館於正陽門外同郡謁選及公車至則如

光緒餘杭縣志稿

歸董氏家乘

沈仲寅字西崖順治十六年進士授直隸甯津知縣其地  
夙號難治不期年民懷士愛丁祖母憂服闋補江南桃源  
知縣時河決七里溝新莊口等處當事督塞決口甚嚴仲  
寅躬自董役不避寒暑自康熙十一年迄十六年民罹水  
患催征無措江甯巡撫慕天顏入覲備奏災狀邀

恩蠲賦者七縣而獨遺桃源仲寅謂河決在桃何蠲免獨不之及  
痛哭力爭始得均邀豁免三藩不靖王師往討道經桃源  
供億繁費仲寅力任不以累民四十八里民各醵金以償  
悉卻不受丁祖父憂河道總督靳輔奏留築吳城煙墩白  
洋河遙隄百餘里又築河北三壘隄河南歸仁隄并便民

石閘兩座至今謝家窪上下人稱為沈家道口桃源民戶繪像祀之二十九年河務畢告歸民扶老攜幼涕泣攀留

兩浙輶軒續錄

錢喜選字澹名歲貢生官青田教諭時流離初復正學缺微乃為之闡明經義釐辨文體生徒晨夕聽受至坐溢不能容邑宰張立庵錄其講學問答上之憲府嘗輯青田縣

志具有條貫

兩浙輶軒續錄

董之軾字崧生康熙癸巳副貢髫年穎悟有神童之目性仁慈遇山禽水族輒買放之幼失怙母性嚴凡事悉稟命五十年如一日雍正癸卯邑侯臚舉孝行時丁母艱哀毀骨立堅辭不就力疾營葬事畢整襟瞑目而逝

董氏家乘

光緒餘杭縣志稿

吳志廉遇歲荒曰此有力者積德機會也遂倡捐設粥廠施棺掩骼以米數千石貸貧戶約秋後還是秋又荒無一人償者僅存借券滿篋家資一空次年秋戚友勸索逋可得二千餘金何自苦乃爾曰貧人經大荒僅延喘息何忍逼索萬一急極生變其損德更多矣遂盡焚其券終身不復問子世雍康熙四十五年進士官壺關知縣

學堂日記

孫錫珩字大白增生與甯都魏禧景陵吳旣閑戴小宋輝縣孫靜紫交錢塘徐孝先尤稱莫逆所為詩直抒胸臆不拘格律

國朝雍正四年祀忠義孝弟祠

兩浙輶軒續錄參孫氏家譜

董天根字培之天姿敏達重交誼不輕然諾族黨賴以舉



火者甚眾有石姓紙商負人千金將以女償之慨然為代償不少靳董氏家乘

孫錫智字屆驂生員師承家學篤愛昆弟羣從補生員者凡十四人互相師友名噪家巷兩浙輶軒續錄緝雅堂詩話

董廷鏢字大呂性至孝三次割股和藥療親董氏家乘

陳永治字北山號廣田弱歲補生員試輒前列鄉試十七次屢薦不售專精醫理盡傳張獻暉之術助獻暉著醫法

心傳一書自著靈樞素問注百病主治二書桑調元婦嬰奇疾累年永治一診而愈奇其術進叩所學益奇之平生

謙恭儉樸錙銖不苟取與人交淡若水未嘗一投足炎門

桑調元撰傳

光緒餘杭縣志稿

董宗壘字子和性正直事親豐弟妹婚嫁以時周卹親族嘗置義冢於西舍以瘞族之貧者居家儉一裘恆數十年

董氏家乘

孫大棫字甯士乾隆初生員博涉羣書為文疏宕有奇氣學政馬豫深為稱賞試列第一取入縣學性沈靜安貧自

得不趨榮利兩浙輶軒續錄

盛時玉字斯有生員性渾厚家饒於貲樂善不倦年七十九無疾而逝杭郡詩三輯

盛時琛字獻其監生與兄時璠友愛甚篤好藏書精醫術著有愚谷集杭郡詩三輯

俞廷樟字洪南乾隆五十八年進士授陝西渭南知縣遷

四川邛州知州告歸掌教敷文書院有年性敦孝友事畜之責一身任之俾兄榆弟榿壹意讀書無內顧憂

杭郡詩三輯

董雲標字上湖乾隆四十五年舉人工書名噪一時晚年有題趙松雪清靜經金丹楊本後詩筆力清挺特詩名為

書所掩耳子炆字小湖亦善行草書得董文敏家法

杭郡詩三輯

嚴杰字厚民號鷗盟潛研經術邃學能文穿穴傳注得漢

唐經師家法發為詞章樸古奧衍阮元督學浙江見其文大驚異之以杰為詒經精舍上舍生預編經籍纂詁後至

廣東佐元纂

皇清經解著有小爾雅疏證蜀石經殘本毛詩攷證傳於世

諸可

光緒餘杭縣志稿

寶撰  
小傳

董作棟字工求號書巢乾隆四十三年進士授直隸慶雲

知縣母憂服闋補河南魯山知縣立條教除舊苛政勸課

農田逋賦既清豪強斂迹捐貲建書院先賢祠修縣志居

官六年以病歸民多攀轅乞留里居置祭田恤親族道光

三十年卒

吳錫麒撰墓志  
參董氏家譜

姚亮祖字南廬乾隆四十五年舉人祖之運有隱德父汝

齡以孝行 旌亮祖七歲而孤母邵氏躬勤紡績課之讀

書母卒後絕意仕進鍵戶著述通易書善古文辭旁涉醫

家暨相地書著有半宜齋文集性嚴正好周人急鄉黨多

頌其惠長子憲曾道光十三年進士

姚氏家譜

方外補遺

宋

熊萬卷餘杭人浮圖之真儒也介然持古人風節居延慶寺在大慈塢時儒士皆抱經授業師喜閱唐韻諸生竊笑之日出題於法堂曰楓爲琥珀賦其韻曰脂入於地千載成諸生皆不喻因請之不說檢經史百家小說俱無見者閣筆以聽教師曰聞諸生笑老僧酷嗜唐韻茲事在東字韻第三板請詳閱諸生檢之果載楓字注中云黃帝殺蚩尤棄其桎梏變爲楓木脂入地中千年變爲琥珀諸生始敬此書

湘山野錄

國朝

光緒餘杭縣志稿

卷

通琇字玉琳姓楊江陰人石磬山隱修禪師法嗣也結茅徑山凌霄峯邑中紳士請復歸報恩遂奉母於草庵而身堅守師塔順治十五年

召見封大覺禪師屢請還山遣官護送十七年春

再頒紫衣金印

加封大覺普濟禪師八月再至京演法傳戒

封大覺普濟能仁國師又請還山歸住天目獅子正宗禪寺後十

年示寂於淮安慈雲庵歸塔於武康東塢庵

浙江通志

列女補遺

南北朝

裴氏姥餘杭人嫁西湖農家采眾花醞酒貧者貰與之經

數年忽有三人至姥處各飲數斗不醉謂姥曰予非常士  
知姥當仙故來相命因授藥數丸姥餌之月餘不知所在  
今柳浪聞鶯有仙姥墩名勝志方輿勝覽西湖志

明

沈倫妻鮑氏倫卒勵節冰霜四十年鮑光喬撰傳

葉某妻沈氏倫女青年守節當事各有旌表沈氏家乘

董汝瀛妾郭氏性賢淑青年守節子揚棻董氏家乘

姚易妻陳氏年三十而寡朝夕紡績教子成名苦節四十

餘年長子明卿天啟甲子舉人次明彥增生三明俊姚氏家乘

鮑迪妾姚氏鮑經術繼妻李氏姚年二十四守節子經術

甫七歲誓死撫孤嫡室許病癱瘓侍奉十七年不少怠家

光緒餘杭縣志稿 卷

貧紡績自給謹守禮度足不踰閫卒年七十六經術繼配

李亦青年守節巡按旌表

鮑之深妻徐氏年二十九寡孝事姑嫜撫子樟成立卒年

七十一

鮑之涇妻陳氏事舅姑以孝聞年二十九舅與夫相繼歿

拮据營喪葬明末山寇蝟起流離辛苦撫子楨成立卒年

六十九邑令龔旌表己上徐志淵述

孫鴻緒母洪氏萬曆三十二年邑令程給桓孟芳徽額山文

莊節 孝坊

翁翰妻徐氏年三十夫故卒年六十翁氏家乘

董天霖妻朱氏董玉娘妻某氏均年三十夫故守節董氏家乘

國朝

姚炯繼妻聞氏年二十六寡四子均幼事孀姑盡禮撫前  
室子廷真逾己出後入邑庠廷楣廷棟廷傑皆成立卒年

六十五康熙四十四年

旌姚氏  
家乘

孫彪母鮑氏康熙五十七年巡按御史鄂奇善為立筠貞

荻教額

孫氏  
家乘

董廷魁妻甄氏年二十四寡乾隆五十七年

旌董氏  
家乘

黃維韞妻鮑氏赤城御史女既委禽所以事姑者一如黃  
外家有饋遺必致堂上勿以私嘗與姑論漕河形勢姑大

奇之其事姑也孝相夫莊教子義歿之日惟以姑老為憂

不及其他

孫治撰  
墓志

光緒餘杭縣志稿

卷

董揚榮妻孫氏舉人孫士俊女幼讀書明大義族鄰有女  
學士之稱及于歸敬事舅姑孝感族人庶姑郭盛年守節

體舅姑意事之婉婉聽從三十年無間言

董氏  
家乘

孫錫輅妻董氏

雍正五年  
旌册

碑碣補遺

明

知縣林大輪高則巽長生祠記碑

一萬歷十九年仲春邑紳徐桂撰醫官沈棹繪像耆民

陳倉等督建 一萬歷十九年孟夏邑紳方相卿撰武

林鄭復亨書丹沈世卿篆額耆民高畿等立

察院題准欽奉事宜碑

碑文似有殘缺無年月日字迹亦復模糊

國朝

知縣陳夢麒奉飭釐定安溪竹木關稅并禁巡役入山擾累告示碑

乾隆二十六年二月立

知縣張吉安奉飭嚴禁匪徒糾眾掘筍私設牙行告示碑  
嘉慶十三年七月北鄉士民張衡等立

祥異補遺

明

世宗嘉靖四十年西溪雷擊李氏婦

留青  
日札

四十二年四月二十一日餘杭臨安大水黃湖雙溪尤甚

光緒餘杭縣志稿

卷

列十

會坑一所發洪二十八處

留青  
日札

穆宗隆慶元年民婦周氏一產四蛇

留青  
日札

國朝

順治十八年嚴小郊妻高氏壽百有二歲官旌其門

乾隆四十九年西北里人張彥功壽百歲

乾隆五十五年八月耆民李崑蒙

賜銀牌壽杖靴帽表裏

嘉慶元年正月耆民李崑蒙

賜壽杖筵宴

物產補遺

草木

獨腳蓮 產臨安古城與餘杭接界山坑不見天日處其形一葉中含紅花一朶儼如蓮花從葉心透出根作獨蒜狀花葉聞人聲輒縮入根內遇之者先以物擲而鎮壓之用竹刀掘取止有根花與葉覓無形迹若手取則手緣此花四圍地約尺許蛇蟠其旁無草土最毒得之能解大惡蛇毒按綱目所載鬼曰名同物異本草綱目拾遺

光緒府志

痘仙草 產餘杭洞霄宮及南建莊仙洞寺療痘症神效

白芷 餘杭土貢香白芷五十斤成化志

光緒餘杭縣志稿 卷

石大頭竹 生餘杭山中狀如常竹不異四五月閒出筍上細下大其籜淡黃色無斑花惟上截甘美可食下截木硬但可煮汁以此得名李衍竹譜詳述

鳥獸

竹雞 生餘杭苦竹岡引雛成羣呼曰泥滑滑則天降雨

東坡禽言泥滑滑苦竹岡嘉靖志

鹿 明洪武永樂成化年閒餘杭歲貢鹿五隻成化志

獐 明洪武永樂成化年閒餘杭歲貢獐二隻成化志

兔 明洪武至成化年閒餘杭歲貢兔五隻成化志

鱗介

龍 皇祐初羽人於餘杭龍蛻洞閒獲龍骨數肩齒角皆具因以名之成化志

蜂 蜂類不一黃者作蜜嘉靖志

服用

獨輪車

餘杭鄉間有獨輪車以載物土名羊頭車

府志

翎毛

明洪武至成化餘杭歲貢翎毛六萬三千八百五

十根本縣河泊所帶辦翎毛五千五百二十五根

成化志

雜色毛皮

明洪武至成化餘杭歲貢雜色毛皮四百七

十五張

成化志

魚鱧

洪武至成化餘杭河泊所帶辦魚鱧十一斤十三

兩九錢三釐

成化志

按毛皮出西北口外杭州出者不中服用魚鱧即魚肚也杭屬無此出產明代徵為土貢征賦之繁可想見也



衙署

餘杭縣署自經燹燬同治六年知縣錢國珍詳准抽收串捐建復邑紳李懷堯等董其事共用錢一萬一千千有奇光緒三年因淫雨蛟水衙署坍塌知縣嚴耆孫稟請提錢五百六十千擇要重修其錢分作十成在本縣平餘項下每年提補一成歸款

教諭訓導 署詳見學校門

縣丞署 燹後未建

典史署 燹後未建

學校

文廟自遭兵燹僅存大成殿中就傾幾柱同治四年知縣程培  
勳稟准設立善後局抽收六底串捐陸續修建是年九月  
開工次年三月工竣計用工料錢三千二百餘千邑紳李  
懷棟等董其事同治五年八月教諭嚴岳森訓導王仁移  
縣諭飭善後局董置辦祭器

崇聖祠兵燹燬同治六年二月知縣錢國珍倡捐集資重建  
明倫堂兵燹僅存架木同治六年知縣錢國珍創捐洋二十  
一元教諭嚴岳森捐錢三百二十餘千獨力重修錢國珍重  
修明倫堂  
記王政之大莫大於井田學校兩端故教稼之後即繼以  
明倫自邦國至郡縣皆有學由來舊矣學有廟崇先師也  
學有堂講彝常也二者不容偏廢餘邑之學自兵燹後廟  
與堂皆委於榛莽歲乙丑署令程君培勳校官嚴君岳森

光緒餘杭縣志

倡議興復與鄉士大夫詢謀僉同請諸 大府就邑之市  
廛貿易抽串捐為善後舉積一歲之捐僅將 文廟正  
殿廊廡重門修成而費已不繼其他衙署等工猶闕焉未  
舉故斯堂未及並治非敢後也蓋有待焉於是嚴君岳森  
獨慨然以捐修為己任余亦捐俸以助之經始於丁卯正  
月落成於孟夏上浣嚴君捐貲三百二十餘千不勞民財  
而工已竣崇閣其屋宇繕葺其垣墉丹飾其屏額登築其  
階甍煌煌然遂復舊觀由是進邑之俊髦諸生相與登斯  
堂而講學俾倫紀常昭然大著嚴君是舉豈獨不廢職其  
於餘邑善後之務不亦相與有成乎珍攝宰逾歲深以民  
居未復田野未治為慮日馳逐於阡陌間招集流亡以及  
四方之氓勤於墾種惟冀斯民之力田逢年而已若夫禮  
樂之教不惟不能亦不暇茲迺得嚴君相助為理使教稼  
明倫各勉以盡厥職固予之幸實亦若人士所共幸也夫  
因樂書其事以記之同治丁卯  
夏署餘杭縣事錢國珍拜記

教諭訓導署兵燹燬後未建復光緒十六年邑紳褚成信募

捐文童汪啟文洋陸百元以紳董周蔭棠監工計建大門  
樓一進儀

門一進正屋五間前後 其用洋一千六十八元不敷之洋  
廂房六間厨屋兩間

由褚紳在賑餘款內籌墊

龜山書院

在餘杭縣治南

浙江通志

宋崇甯末楊時知縣事

有遺愛於民民請立書院祀之延師教子弟其中

續文獻通攷

咸豐十一年兵燹後田地荒蕪無考僅存講堂三間同治初邑人鮑笙捐建市屋於通濟橋之上以租入充膏火十一年邑人王幹等稟請將院屋修葺并將積存錢存典生息十四年知縣路保和提院中歷年節省存款建門廳三間并捐廉加考季課專試經詰通稟勒石有案光緒二十四年邑人中書科中書盛起捐洋貳千元呈請存典生息增作望課膏火由縣詳請奏咨

光緒餘杭縣志

光緒二十年知縣關鍾衡因孀婦何徐氏呈控楊美元等霸田改戶等情一案復訊斷結將何徐氏受典軍民田二十一畝九分計價六十八元由縣給發收贖將田助入龜山書院爲業詳請立案所有典契一紙原契四紙交該書院紳董收管


茗南書院

在縣治東門橋北首白塔寺前道光七年邑

人海鹽縣訓導章均同姪鹽大使章錦承祖之權遺命獨力捐錢三萬千創建講堂考棚官廳臥室以餘資存典生息作爲按月朔望考試生童膏火并置院前田六畝作院役工食由縣詳請咨部立案給予樂善好施字樣建坊書院前咸豐庚辛之變生息銀兩經知縣某稟請提作團防經費燹後屋燬於火院田被白塔寺僧盜賣填作桑地屋

基石器亦多被人侵佔盜竊光緒二十三年均曾孫嘉興  
府學訓導舉人章炳森等查勘丈量計尙存基地十六畝  
七分五釐繪圖釘界稟縣立案

光緒餘杭縣志稿



文

水利

道光三年水災阜茨塘圯餘邑文山等十八莊及錢邑之欽賢等二十五莊均被其患鄉民自築備塘水勢稍減

同治三年春巡撫左宗棠勅匪駐營築阜茨塘事平至夏水驟漲西首塘身坍卸十二月知縣鄒梓生稟請如式補築與東首新老各塘一律完固南湖底不無高下應請於溪水入湖處先行開掘由石門橋至函洞止開新港二百四十三丈濶二丈四尺深一丈五尺並通函洞濬竹木河引灌溪水盤旋而出勢自紆緩如逐年廣開新港濬復全湖不難矣又以南湖淤塞由臨於二邑棚民徧山開掘樹根栽種雜糧致沙泥隨漲下積邑人潘瑗曾論及之近年

光緒餘杭縣志稿

增以閩甌厥民種山者較前尤夥現兵燹初靖人少田荒令種山者種田不得仍前開山貽害請檄飭臨於兩縣永禁開山違者嚴懲稟上巡撫飭布政司委勘議奪卽由布政司出示扎發臨於二縣令厥民盡行種田永禁開掘山樹栽種十年知縣劉錫彤重修西涵徙門阜茨塘

同治五年三月知府劉汝璆以五窰塘當苕溪衝要市廛田畝賴作保障而竹木各商運貨每令罅戶在塘邊釘椿絆繫竹木溪流水急日夜動搖以致塘身逐漸損傷給示勒石永禁碑石植立塘側牙儉篙工往來竊相磨毀未幾已至沒字嗣復賄屬劣董飾言儲款修塘重請開禁知府謂雖捐有經費可修莫若毋損塘身之爲是八年三月重

申舊章令將竹木放木香埠以下隄邊椿繫不准在瓦窰塘絆繫倘蹈前轍卽將牙行地保等嚴懲復行勒石示禁南湖

光緒十三年省城紳士前戶部左侍郎王文韶等呈稱餘杭縣南北兩湖全行淤塞有關杭嘉湖三郡水利呈乞籌款濬治又以兩湖並舉無此鉅款請先濬北湖從北湖東之龍舌嘴積砂濬起經浙江巡撫劉秉璋批准札布政使孫嘉穀糧道廖壽豐會同紳士丁丙仲學輅籌議章程核辦所需經費在糧道廖壽豐捐存濬湖經費五千兩項下支給如有不敷再動善後經費嗣據餘杭縣知縣路保和稟據餘杭紳士董震等稟稱北湖之利不及南湖與其先

濬北湖工鉅而利僅一隅不若先濬南湖工省而惠及三郡請移緩就急等情經巡撫劉秉璋飭杭州府吳世榮會紳履勘旋據稟覆南北兩湖均宜開濬惟工程浩大經費難籌請於餘杭先挑竹木河再浚南湖湯灣以下先挖河中積砂兼培南北塘隄再浚北湖惟開竹木河先將進水口設立漕洞最爲緊要所有築濶經費應由該處紳民籌措等情稟准委餘杭紳士褚成煒會同乍澉營務處萬重暄開竹木河錢塘紳士仲學輅會同營務處徐春榮挖開湯灣以下積砂培隄然竹木河究未開通所捐城鄉築濬經費或繳或否旋卽中止至十六年乃有重濬南湖之舉

光緒十六年浙江巡撫崧駿欽奉

上諭前據給事中張元普奏請飭修浙江南湖水利等情當經  
諭令崧駿查奏茲據查明復陳餘杭縣南湖關繫浙西水利  
崧駿現已飭屬勘估卽着該撫督飭員紳將濬河培隄各項  
事宜妥籌辦理以衛農田該部知道欽此旋卽開濬南湖並  
挑濬三苕溪及修建石門橋石壩燕子窩涵洞等共籌撥  
賑捐洋十一萬元委員紳興辦十七年二月工竣

光緒十六年籌賑局司道會稟履勘南湖籌議開復大致  
情形勘得南湖地居嘉湖兩府上游有關浙西水利甚重  
該處南苕中苕北苕三溪皆發源於天目萬山之間其形  
勢最要來源最遠者首在南苕歷於潛臨安百餘里而達  
餘杭眾山環束湍流猛急專賴南湖一隅爲之滯受蓄洩  
上游之怒流稍減則下游之汎濫自輕歷年既久南上湖  
淤廢成田無從議濬南下游之汎濫漸淤淺水之難容不  
淫霖過久但雨水稍多卽電掣雷奔建瓴而下頃刻汎濫  
無歲不災是以每經盛漲不特塘隄堰壩岌岌可危卽廬  
舍人民亦復時虞漂沒其下游受害情形備載志乘昔人

光緒餘杭縣志

言之甚詳挽救之法無非分盛漲以殺其澎湃之勢藉涵  
蓄以緩其剽悍之力南湖之宜濬宜深確然易曉然自前  
明以來屢議開浚而卒未見大施厥功者一以經費浩繁  
籌撥匪易一以功罪必見諸日後而利害未形於目前誠  
未易以逆計預料也卽如浙西水利備考一書內載乾隆  
三十四年杭嘉湖三府水災上厘

宸衷稔  
旨經前

係南湖淤塞所致奉有通湖復挖並量設堰壩之  
似與容蓄無益經費浩繁徒滋糜費等因復奏開湖之議  
遂寢雖次年卽經前藩司嵩復議開濬終限於財力僅令  
本邑里民按戶派方畧加疏治距今又百二十年矣沙土  
愈積愈高工程亦愈久愈大若再因循坐誤不但浙西三  
府難沾灌溉之利卽餘錢兩邑各鄉亦必大受衝決之害  
前撫憲梅講求水利深知南湖關係非輕先經刊布圖考  
以待施行升任川督憲劉亦刻意圖維濬治適當海防奏  
凱飭撥營勇分其餘力先挑南北兩苕溪沙以培隄岸然  
尙未濬及湖身也現在上南湖早已淤成平陸開浚爲難  
今就下南湖丈量繪圖計三千九百餘丈以平三角法測  
之爲方里者十有五里少弱內除十字隄及舊有十七小  
土山不計外通湖均挑七尺計土方三百十三萬八千有  
奇每方挑工約錢二百文共需錢六十二萬七千六百餘  
緡木石各工尙不在內今擬就四圍隄內及十字隄兩面

一律挑深約估十餘萬方所出之土即各就近培隄湖中  
舊有土山亦可就近出土此外就湖身積厚之處度勢挑  
挖又約挑十餘萬方尚有開闢湖洞分別修建共約估銀  
五六萬又南上湖東南北三面界址今昔不甚遷移惟西  
面舊有觀音閣為界不知何時移至鱔魚港相去約及三  
里查觀音閣至今尚存該處地勢與現在湖身低處相等  
儘可容水今擬將南上湖西面仍照舊址以觀音閣為界  
重立界石以規復原湖等情會稟巡撫崧駿親督員紳履  
勘以南下湖水之有無全視茗溪水之多寡宜將三茗溪  
再為一律查勘與南湖並加挑濬委員紳前赴餘杭察看  
旋據委員嘉興縣訓導王震元等稟勘得南茗發源於於  
潛臨安界內天目諸山行百數十里而至餘杭繞過縣城  
折而稍北又二十七里而抵瓶窰中茗發源於臨安諸山  
東行七十餘里至距瓶窰上五里之湯灣渡而與南茗合  
流北茗二源發自餘杭一出百丈塢一出大祿山至雙溪  
口合為一源復東南流二十餘里至瓶窰與中茗合  
流小之時本係派分支別惟三茗尾閭即北湖下游若  
逢盛漲水即出槽一片汪洋併合而成巨浸是南北兩湖  
同為三茗暴漲分瀦之地均已淤高然而南湖界址猶存多  
濬一尺即有一尺之利北湖漲退之後一望平原旁無崖  
岸工程尤巨無從措辦現奉飭議溪湖並濬所虞者茗溪  
出土之難較南湖尤甚湖土性猶黏潤縱不能出於塘外

光緒餘杭鑿濬稿

尙可取以培隄溪中砂多於泥砂本石質細燥而堅取培  
塘外雨淋旋即溜下若挑塘內田面被砂壓蓋草即不生  
惟有先購出土之處乃可次第施工茲經分段約估共計  
應挑土方一十四萬九千餘方挑價照南湖加倍每方四  
百文約需錢五萬九千六百餘千惟所需太鉅擬擇尤先  
挑約計需錢三萬六千餘緡等情稟局核轉共計濬湖培  
隄石壩涵洞挑濬三溪約估錢十萬千詳經巡撫崧駿撥  
賑捐洋十一萬元委員紳分辦旋據報銷奉撥前項十一  
萬元內提歲修經費存典生息洋一萬元湖溪共挑土方  
三十萬四千九百六十六方五尺五寸四分共支方價錢七  
萬二千六百七十五千六百七十一文重建南湖石門橋  
開燕子窩涵洞茗溪土橋灣搶水壩修南湖滋壩各項石  
工共用洋九千四百七十八元又錢八百一十元一百三十  
一文建造南湖公所置備運泥船隻水車閘板等項共用  
洋一千四百三十一元又錢一百六十四元二百八十二  
文南湖茗溪各員紳勘估工程船隻薪水夫馬津貼書差  
薪工民夫賞恤局用火食油燭紙張等項共計洋七千一  
百八十六元又錢一千五百八十七元六百六十八元  
合洋十萬二千六百二十元計存洋七千三百八十八元尙  
有餘杭城外市河及瓶窰相近之許身灘皆應挑濬詳明  
發交南湖善後局紳董相審相近之許身灘皆應挑濬詳明  
成信潘曾壽具領與辦



建立石門橋開壩燕子窩涵洞等處請示立碑光緒十七年委員候

補知府阮士彬同知黃瀛海前餘杭縣知縣周延祚會同  
餘杭縣知縣吳士愷詳復石門橋石壩燕子窩涵洞前因  
城鄉紳董議論未協奉節秉公集議今會同南湖局董褚  
成信潘曾壽章炳森沈懋德等邀同東鄉二十四里各莊  
董議得石門橋內建開壩一座計高石尺八尺以四尺埋  
河底泥內四尺高出泥外兩旁立石塊各一設石柱兩根  
柱皆鑿縫開板該處河身比南湖未濬之湖底較低今議  
所設石塊石柱比石門橋內西北隅未濬湖底放低一尺  
所設木開板高與十字中隄新開港面相平但留新開港  
內之水不在未濬河底之上留水每遇霉秋汛前將壩洞  
開板啟放俾新開港道之水仍瀉入溪不致占盛漲時蓄  
水地步汎畢下板留水其燕子窩涵洞設石開板三重洞  
口照舊洞廣狹每年霜降內河缺水知照東鄉紳董定期  
開放如遇淫雨水滿毋庸啟開至次年驚蟄節三重開板  
一律關閉閉春夏秋三時無論內河水之多寡均不得開免  
致驟雨關閉不及該二處皆議建屋設立開夫以司防守  
並宜各設城鄉紳董公同經理燕子窩屋內及縣署大堂  
請府憲頒示立碑各一載明涵洞啟閉時節以垂久遠

南湖茗溪善後章程十條

一設濬河公所遊派紳董承辦  
事宜也現在南湖既有存當歲

光緒餘杭縣志稿

修息款又有地方逐年捐款南湖港道每逢盛漲停淤自  
應隨時疏洩有餘則以次濬及茗溪砂嘴積淤石工設有  
沖損亦應隨時修整每屆冬令水小時涵洞放水沖刷竹  
木河淤濁之水市河淺涸並須以時疏通必得老成公正  
紳董由地方推舉縣給照會承辦以期經久一湖身才  
民棚戶希圖私墾定界嚴禁也查上下南湖界址以白泥  
山來之砂溪為界溪西為上南湖溪東為下南湖形迹尚  
存惟下南湖貼近砂溪之南北兩隅私墾日久目前經費  
無多未能一律挑挖自觀音亭之東新開港道堆土之內  
起應永禁搭蓋草棚無論土客不准私墾由公所會同營  
縣隨時糾察如有不遵由縣提究並由縣永禁南湖內設  
立棚長名目以絕霸佔蒙混情弊現在清理全湖界址應  
在四至添豎界石并奏明呈圖咨部立案庶永遠遵守也查  
墾之弊一堵將軍壩缺口已定尺寸宜永遠遵守也查  
將軍塘自嘉慶年間沖成缺口屢築屢塌究湖其源該處  
為減南湖盛漲以輔滾壩之不足現在察勘形勢將缺口  
堵之與滾壩平如遇盛漲即從此口分洩不特保南湖東  
北之塘隄實為保南茗溪數十里險塘而設權其輕重該  
兩處減水關繫匪輕以後永不准無知村民私行高堵惟  
有確守目前與滾壩相平之尺寸為定以杜流弊而免爭  
競一現勸業店捐輸除撥善堂外應悉歸濬湖公款也  
南湖歲修經費奉撥萬元發交餘杭三當生息議定按月

光緒餘杭縣志稿

六釐起息每年計息洋七百二十元本地業捐奉文勸辦現寫定各業連本邑善堂經費一千串左右另造花戶細冊呈送擬提二成撥歸善堂經費其餘儘數撥歸濬河經費南渠市河為燕子窩出水幹河向多淤塞現已濬通日後市河淤淺應併濬以洽商情並頒濬湖公所圖記印刷收捐聯單以昭信實一南湖原奉憲撥歲修經費仍請照撥也查前奉廖升憲提款酌撥濬湖工用每年五百千文現由同善堂逐年照撥此後應請照舊撥給歸濬湖公所紳董具領辦理一歲修限於經費工作宜分緩急也查新開港道若不隨時疏濬誠恐積久成淤應俟水退後首先疏濬茭草蘆葦最易蔓延必須隨時剷削竹木河亦照章經理除挑淤剷草外所餘錢文擇要挑挖老灘以餘款之多寡定工程之多寡仍以丈尺計方核算所出之土除就近培隄或就近加高本有土山外之十字隄觀音亭一帶湖中新成之隄不准再行加高培厚如出土實無安頓由公所另置船隻裝運塘外卸如蔣公塘外之千筋潭將軍塘外之深潭均可出土以後湖中並永禁堆積土塘及新培土山以杜有害蓄水之湖身一沿河塘隄有關水利者應公所隨時培修也查自三賢祠起西至石門橋止南至東岳廟止由東岳廟西折至巫山脚止該三處塘隄俱關下游利害倘有損傷應歸公所隨時補修萬一洪水較發工程浩大應照向章由地方官民另行設法籌

辦一逐年公款收支報銷宜有限制也查南湖舊有奉撥公款現有存與息款及鋪捐除提撥善堂外每年共約錢二千千文承辦紳董為地方善舉既不支薪水一切雜用開支尤宜節節每年不得逾五百千文約計開支細目另摺呈送如添辦船隻器具不在此數內其餘款項儘數做工擇要疏濬每日懸牌公所派定地段工作由紳董稽查濬湖必須秋冬水涸方可動工或遇雨雪過多則春季現酌定如今秋開工至明年四月停工後將是年收過捐款及所做工程并開支一切由紳董造具四柱清冊會縣轉報杭州府衙門並刊刻徵信錄分送各衙門以便稽考而昭核實一營勇請酌撥協挑土方仍按方津貼以資體恤也查駐餘營勇一旗奉升任撫憲劉調派專為濬湖培塘之用後因分防鄉鎮未能全隊工作現擬仍酌量分撥以資兩顧請飭該營自八月起每月分撥五十人上工至次年三四月梅水將來停止統共八九箇月除去雨雪停工外可實做四箇月工程以土出二千丈內外算每人每日挑六七只四箇月合算可出土四千餘方逐漸與作功成效第以一只派五人以一年之中作四箇月與操防尚無貽誤應挑何處由營官會同公所紳董度勢標丈挑挖即出土亦須遵章辦理不得任意亂掘亂拋營勇本有口糧鋤筐車水器具必須另備每方津貼制錢五十文俟驗收後按方核計在歲修項下開支如防務

較鬆營勇得有空間如挑土方亦一律按方給發津貼以昭平允一每年工程須有稽查驗收也公所紳董每年所辦之工報縣稽查驗收營勇承挑之士亦由縣會紳稽查驗收仍一併由縣報明杭州府衙門查考設或紳士辦理未善准由地方另行推舉庶可工歸實濟預杜浮支

餘杭縣稟復顧震脩等請濬溪培隄開荒設學會勘南湖稟竊奉憲台札委查候選訓導顧震脩等稟濬溪培隄開荒設學請委會縣查勘稟報試辦等情現在南湖情形是否與前不同有無阻壅並附近居民藉詞刈草搭棚私墾情弊飭即會縣邀集紳董前往上下南湖周歷履勘體察形勢分別查禁剋日繪具圖說妥議稟復以憑核明轉詳等因遵即馳抵餘邑邀集濬湖紳董及原稟各紳復會同周歷細勘並按原稟各節逐層面詢查得南湖來源上承天目萬山之水注入南湖當山水大至時建瓴直下宣洩不及則由南湖西北隅之龍舌嘴分其大溜經由上下兩湖交界之石門橋灌入南湖俟水勢稍殺湖中之水復由龍舌嘴洩歸茗溪流入浙西三郡若遇大水之時湖隄恐有漫溢則湖東南隅之阜茨塘有滾壩以分其勢經由蔣家潭繞鳳凰山逶迤而北流入官河此湖水出入之情形也查南上湖皆成熟田惟南下湖歲久失修日漸淤墊光緒十一年四月經前戶部左侍郎今大學士王紳文詔

光緒餘杭縣志稿

等呈稱南湖并縣之北湖俱應修濬而款絀勢難並舉惟先濬北湖旋有縣紳董震等稟稱宜濬南湖後經眾紳議定仍從董請奉前撫憲劉提款與修並舉辦房捐業捐畝捐等事由葫蘆橋分段築壩逐節上濬究以經費不充未能大加修治至十六年六月前撫憲崧奉旨以工代賑茗溪南湖同時並濬所有私墾田畝客民棚屋一律除禁就湖劃分四隅各挑港道出土培堤分流合注奏明港道以內永禁搭棚無論土客不准私墾在案此兩次濬湖之情形也湖之西南隅王婆廟及白陽山一帶地勢較高該紳董等請墾之處俱在港道之內其原稟所稱濬溪培堤一節係由南茗溪之白衣殿濬起意欲水不入湖順流而下至原稟所云除民間業已承糧及已開之溝洫不計外曠遠廢地約近百頃則大不然若以港道內言之水來則一片汪洋水去則皆為茅草並無一稻一禾若以港道外言之則彌望良田稻禾豐盛並無寸地荒蕪總之田固可墾但恐一經弛禁田日以多湖日以少數年之後有田無湖設遇上游盛漲毫無停蓄之方浙西諸郡貽害非輕况濬湖之案僅閱十餘年原稟諸紳在事各員多有存者今昔情形既無不同水路流通亦無阻塞現在港道以內自示禁後尚無私墾情事間有貧民搭蓋草棚違當嚴加驅逐以符定案而重水利所有奉委履勘南湖體察情形分別查禁各緣由謹縷晰稟復云云計呈圖說五套

光緒二十八年九月

日餘補縣權嗣缺稟

餘杭縣遵飭會勘南湖禁墾情形並繪圖呈請銷案稟竊奉憲台札據餘杭縣民人葉照波等呈請委勘下南湖港道以外後田坂荒田給照升糧等情飭即前往會縣邀紳董詳細履勘後田坂荒田是否向在下湖港道以外其中有無違碍影射則情據實通稟督奪等因奉此遵即馳抵餘邑會晤卑職懋清邀同紳董前往周歷履勘南湖發源天目水勢浩濶順流而下直達浙西三郡若無是湖容蓄非但餘杭一邑首先被患即杭嘉湖三府人民田廬亦貽害非輕全賴是湖分其急流以資保障所以自漢至今歷經禁墾光緒十六年間以工代賑事竣蒙前憲合崧奏明下南湖自觀音亭至東新關港道堆土以內豎立界碑永禁搭蓋草棚無論土客不准私行開墾行知遵辦光緒二十八年有候選訓導顧震脩等赴省稟請濬溪培堤希圖墾荒奉委董合鳳來至餘查勘當經卑前縣林令會委勘明繪圖稟請憲台核轉並先後奉飭查禁在案茲卑職等會勘徧查下南湖並無後田坂地名飭傳呈首葉照波避匿不到查係溫州客民並非餘杭土著僅據武弁白龍章等到場指勘所指墾之處即係王婆廟前在前憲台崧奏明立界永禁港道以內不但關下游水利且訪諸地民光緒十二三年間曾有土客在該處私墾爭種前縣撥勇驅逐竟敢持械抗拒巨釀一經弛禁勢必土客紛爭

光緒餘杭縣志稿

屬案迭出利少害多應請不准開墾以杜後患再勘得港外白泥山一帶開成田地共有二千一百四十餘畝查係同治及光緒初年所墾早經陸續升科承糧光緒十六年奉飭濬湖築隄時暫將是處劃出港外議俟經費充裕再行恢復將來籌有經費修濬湖身仍應勒令拋荒挑復舊制庶於全局無碍現在港內禁地並無人影射私墾情弊除仍由卑職懋清隨時查禁外奉委前因合將遵飭會勘確切情形繪圖貼說聯銜稟陳云云計呈繪圖一幅

光緒三十年二月

日餘補縣朱懋清稟

餘杭縣會勘南湖港內荒產仍請禁墾並繪圖貼說呈核稟竊奉憲台札據餘杭縣職員何炳烈稟認繳押荒印請飭委勘丈升墾等情批飭會縣履勘實有荒產若干分別港內港外應墾應禁繪圖貼說通稟察辦續奉憲台批民人葉照波等隱荒匿糧請陞科給照呈詞奉飭并案會勘稟辦各等因奉經馳抵餘邑會晤卑職象埜公同查核卷宗詳稽圖說查是項荒產應墾應禁以在港道外內為斷本可一言取決何以一再委勘旋禁旋請其中顯有隱曲此次若不確切勘明殊不足以平爭息訟當即傳同何炳烈葉照波等携帶圖冊周歷查勘據何炳烈所指三橋隄以上荒蕩及葉照波所呈之後田坂無論有無其名但照所指之區均在港道以內濬湖甫十餘年並無今昔情形不同之處其為不能准墾固屬無疑惟究其再三曉讀之

光緒餘杭壘籍

原則因葉照波等自同治季年來餘私墾官湖成田頗廣  
泊光緒十六年奉旨濬湖勒令拋荒所墾之田竟歸烏  
有而當時劃出港外之田至今依然耕種自覺向隅遂成  
怨望怨望不已乃生覬覦稟憲稟妄思規復而何炳烈  
等又恐葉照波等幸邀批准獨擅其利因又節外生枝別  
樹一幟葉照波之黨順發等又嫉何炳烈之分其肥更以  
斂錢賣湖等情控奉憲台批發查辦此次張順發並未投  
到未知有無其人所控之詞虛實雖不可知亦斷非絕無  
影響輾轉相尋頭緒雖繁其為圖墾禁湖彼此實如一轍  
欲清其本首在申明禁例永絕其希冀之心誠如憲批不  
能因數人之意見遽弛數百年之厲禁不能以一隅墾荒  
之利致貽三郡田廬之患明見萬里至論不刊應請港道  
之內仍予嚴禁以杜爭端而保水利唯港內荒產既已查  
明應禁而劃出港外成田之處究竟有無私墾隱糧亦須  
澈底查明方足以杜何炳烈之口而服葉照波之心當經  
吊齊庄册逐一查核其報墾田二千一百餘畝在同治及  
光緒初年已陸續報明承糧前經委員陳令會同前縣朱  
查明稟復在案查核册據相符質之何炳烈葉照波復  
無異詞應請無庸置議除仍由卑職象堃實力稽查有無  
隱匿隨時陞報一面先行出示嚴禁遵照奏案將港內  
所搭草棚折除前訪查何炳烈等有無愚弄鄉民斂錢生  
事情事另行稟辦外所有遵飭會勘南湖情形理合繪圖

光緒三十年九月

光緒

日編補縣旌象

具呈杭嘉湖紳士翰林院侍講樊恭煦編修吳慶坻檢討

錢駿祥四品卿銜刑部郎中龐元濟道銜刑部郎中鄭志

虔內閣中書高寶辛丁立誠姚熙績中書科中書盛起二

品頂戴前廣東惠潮嘉道沈守廉三品銜補用道湖南補

用知府沈平章五品銜江蘇補用州同陳祖鏞等

呈為客民圖墾湖址流毒最深懇請照案永禁事竊以杭

屬餘杭縣治之南湖關係三郡水利自漢迄今歷禁佔墾

迨光緒十六年前撫憲崧遵旨以內永禁私墾無論土客

分四隅各挑港道奏明港道以內永禁私墾無論土客

不准搭棚並不准設立棚長名目以杜濫佔諸弊嗣後顧

震修何炳烈葉照波迭次朦稟希圖佔墾歷奉憲飭印委

會勘劉切批駁惟葉照波蓄心霸佔罔知利害猶敢嘵嘵

上瀆業奉憲批不能因數人之意見而弛數百年之厲禁

不能因一隅墾荒之利致三郡田廬之害仍予嚴禁在案

而葉照波知列憲屢念民生未能惑聽復又捏詞影射朦

訴督憲希圖壓制其居心既不可問正月間竟糾集濫台

客民百十之多就湖址搭棚扞立界址紛紛開掘橫暴異

常莫敢禁阻若任其估墾則將來爭競械鬪猶既之小者

洪水為災則三郡必為澤國流毒尤深如飭縣禁阻差保

畏其凶橫既未能實力奉行亦難保無賄縱情弊自非呈請派委道府大員會同防營將港道以內禁地所有草棚一律拆毀並將棚內客民一律遷解回籍不足以清其源而塞其流紳等杞慮同深不得不聯名呈籲鈴轅伏乞俯准施行十萬生靈一齊額手謹呈

調署錢塘縣移遷善局文為移請羈押事准餘杭縣移開光緒三十一年七月十六日奉憲翁札光緒三十一年六月二十八日奉撫憲批司詳覆餘杭縣稟葉照波可否解送省城遷善所羈押由奉批如詳辦理仰即轉飭遵照繳等因奉此除分飭外合行鈔詳札飭札縣遵照將葉照波遞解錢塘縣轉發遷善所羈押五年以示懲儆等因計黏抄詳下縣奉此擬合備文遞解等由過縣准此合就備文移送為此合移貴局請煩查收羈押五年期滿移解過縣遞原縣核辦施行

光緒三十一年七月二十三日

藩憲詳文黏鈔

為詳覆事光緒三十一年六月初六日奉憲台批餘杭縣稟准於潛縣獲解惑眾斂錢之葉照波可否解送省城遷善所羈押示懲請示由奉批所疑是否妥洽仰布政司確核詳復飭遵此繳稟抄發等因並據該縣具詳到司奉據

光緒餘杭縣志 卷

此除原稟有案不敘外伏查該客民葉照波屢居呈首聯名來司遞呈多次請開南湖禁址並赴憲轅呈請奉批照案飭禁復敢架飾墾荒大題赴閩控奉督憲批飭行查確有案據可稽迨知未能邀准糾約多人恃眾強開幾釀事端此次飭拏到案訊供狡賴經在押之溫幫棚長白義興等質訊供指確鑿並有開田一畝出洋四元之說葉照波得過贓洋一千餘元是其以墾荒惑眾藉上控斂錢成則已享其利敗則人受其害居心險詐實堪痛恨若因訊供不認遽予省釋則南湖一帶難免不別生事端該縣所請酌照痞棍羈禁示懲並准如所請將痞棍葉照波遞行錢塘縣轉發遷善所羈押五年年限滿察看情形再行酌辦以示懲儆而弭隱患白義興等既係一時被惑且已看管數月應即從寬開釋取具嗣後不敢私墾南湖禁址切結送查葉照金緝獲之日另辦是

否有當理合備文詳覆云云

餘杭縣遵飭查勘南湖各節情形稟竊奉憲台札委奉撫憲札准商部咨據餘杭縣客民葉照波等聯名呈稱前在荒糧額空懸葉照波被誣羈押抄批繪圖印請飭縣核辦等情咨院行司委照波被誣各節查勘稟辦等因當即查閱縣卷此案控已多年官非一任委非一次葉照波雖已奉

押葉照金現尚漏網此次其控之葉昭陞是否葉照金化  
 名節據差復查無其人其餘二十一入姓名未奉抄黏無  
 從傳質卑職等會勘該湖形勢西半截為上湖東半截為  
 下湖兩多則成巨浸晴久則成陸地自漢以來歷禁開墾  
 粵匪亂後客民紛來墾荒上湖地勢稍高均已墾熟成田  
 然以承儲天目萬山之水東其澎湃洶湧之勢而為浙西  
 諸郡保障者今惟南上下湖是賴湖之西南角自黃婆廟起  
 至西北之龍舌嘴止係上下湖中分處築以土塘溝以港  
 道港外溝塍鱗接並無餘地可開港內茂草蓬生留作蓄  
 水之區即非可開之地且黃婆廟前立有禁墾碑石界限  
 極為分明傳詢該處農民均不知葉昭陞為誰亦無後田  
 坂名目前葉照波等所墾田畝指稱黃婆廟前現在禁址  
 之內並無三千餘畝之多光緒十六年前撫憲崧奉旨  
 濬湖因其有礙水利勒令拋荒致歸烏有原喚土名就田  
 取義湖志未載該客民等無產因而無糧否則斷無至今  
 不為陞科之理上湖當時亦擬挑濬以廣容蓄祇因經費  
 不敷工程中止暫將成熟各田劃出港外共計田地貳千  
 壹佰肆拾餘畝已於同治及光緒初年陸續升科承糧均  
 有庄册可稽此外已無曠土可墾小民祇知利己不顧大  
 局港內荒地非特客民垂涎屢以願先納糧登聽即就地  
 士民亦然利之所在人必爭趨而該客民等尤為纏訟不  
 已推原其故因己失之於港內又不得之於港外於是指

東話西將無作存以為朦混邀准地步查卑前縣方合會  
 委鍾令稟復謂其向隅怨望不已乃生覬覦實為中  
 其肺腑之論不知厲禁當前萬難遷就上年葉照波等斂  
 錢糾墾即據杭嘉湖紳士翰林院侍講樊恭煦等以流毒  
 最深等情指控奉前撫憲聶飭派張管帶遣兵驅逐葉照  
 波等尚敢持械抗拒行同叛逆經卑前縣方令稟請發押  
 省城遷善所以示懲儆何得謂其無辜又查卑邑征糧科  
 則至多每畝完糧壹錢即照叁千餘畝計之亦不過叁拾  
 餘兩焉有貳千金之譜多其數以動人者蓋欲估徧全湖  
 居心異常刁狡孫祖燕前係經理南湖董事查禁私墾本  
 其專責已早告退應無庸議卑前縣朱令或如該客民言  
 忿其控訴而林令在朱令之前方令在朱令之後以及各  
 次委員應與該客民並無嫌隙何以屢勘屢禁異口同聲  
 祇緣該下湖開濬未久決無今或異昔之勢而且利害相  
 衡實屬不得不償失如果一推納糧即墮其計升科必須給  
 田給田必須弛禁且恐接踵而來者均以葉昭陞等藉口  
 不准則民怨更深准之則水無所容從此建瓴直瀉下游  
 各屬田廬勢必頻遭衝決一隅墾荒之利未收三府災禳  
 之害屢見不獨卑邑先受其衝而前費帑金亦轉同虛擲  
 矣卑職等細加查察應請照案嚴禁以遏禍萌而保水利  
 浙西民人同深感戴奉札前因合將卑職等  
 遵飭查勘各節情形繪圖貼說稟復云云

光緒三十二年六月

日饒補縣懋儀備稟

附片奏再浙江

光緒三十二年六月十九日御史吳保齡附片奏再浙江  
 餘杭縣屬之南湖踞杭嘉湖三府上游瀦蓄天目萬山之  
 水必須須港道深通方免泛濫潰決之患自後漢餘杭令陳  
 渾肇開此湖歷代良吏咸事修濬國朝康熙初年曾經  
 疏治日久淤塞光緒十六年原任浙江巡撫崧駿奉旨  
 開濬南湖畫分四隅各挑港道奏明港道以內永禁搭  
 棚無論土客不准私墾在案近年每有姦民飾詞朦稟地  
 方官希圖占墾湖地其尤刁悍者莫如客民葉照波於光  
 緒三十一年迭次呈請開墾南湖禁港糾眾行強幾釀事  
 端前撫臣聶緝契據三府紳士公呈請禁札飭縣委勘明  
 禁港以內關繫三府水利民命萬難准開仍行照案嚴禁  
 並將葉照波發押省城遷善所示懲以爲從此可永杜覬  
 覷矣乃臣聞近口貧滑之徒仍不免有玩視禁令設計開  
 墾情事伏思墾荒爲殖民要政果使有益地利無害民生  
 在官紳方當設法招農闢成沃壤豈有無故禁阻之理無  
 如南湖爲三府水利所關自漢迄今歷禁墾占當崧駿濬  
 湖時因限於款項暫將白泥山一帶畫出港外議俟將來  
 籌有的款再行規復舊制是現在禁港之內界址已不甚  
 寬廣若再徇姦民所請遂漸侵占必致湖身愈窄盛漲難  
 容三府生靈咸有其魚之懼安得不思患預防相應請  
 旨飭下浙江巡撫查照奏案嗣後無論土客皆不准在南  
 湖禁港以內藉詞請墾並出示發縣勒石永禁以杜影射  
 而衛民生地方幸甚是否有當伏乞

光緒餘杭縣志稿

皇太后

皇上

聖鑒謹奏

浙江巡撫張 奏爲查明餘杭縣屬南湖禁港仍照案嚴  
 禁私墾恭摺覆陳仰祈

聖鑒

事竊准軍機大臣字寄光緒三十二年六月十九日奉  
 上諭有人奏浙省餘杭縣屬南湖禁港不准土客各民藉詞  
 請墾等語著張曾敷查明情形妥酌辦理原片著鈔給閱看

欽此欽遵寄信前來臣查餘杭縣屬南湖分受天目眾山之  
 水爲浙西諸郡水利所關光緒十六年間經前撫臣崧駿  
 親往勘明西南爲上湖久經淤墊東南爲下湖尚可儲蓄  
 當卽籌款將下湖挑濬至次年九月竣工聲明自觀音亭  
 之東新開港道堆土之內起永禁搭棚無論土客不准開  
 墾稟報有案界址本極分明無如日久玩生卽有民人葉  
 照波等屢圖報墾均經前撫臣批飭不准本年又有客民  
 葉照陸等呈由商部咨行飭查正在核辦欽奉前因又經  
 行司詳查去後茲據布政使寶棻詳稱派員會縣復加查  
 勘南上湖地勢較高多已墾熟南下湖前濬港道禁碑具  
 在等情詳請奏咨前來除仍飭照案按址永遠嚴禁私墾  
 利等情詳請奏咨前來除仍飭照案按址永遠嚴禁私墾



皇太后

皇上聖鑒謹奏

並咨商部查照外理合恭摺具陳伏乞

光緒餘杭縣志稿

田賦

餘邑田額詳列舊志咸豐之季迭被兵燹同治四年巡撫馬新貽奏報餘杭縣荒蕪未種及流亡未報並掘濠荒廢田二千一十八頃八十六畝零地六百一十四頃六十八畝零山二千二百四十八頃四畝零蕩二百頃三十六畝零荒蕪未種民屯田四十九頃七十二畝零地一十四畝零蕩二十七畝零杭嚴衛坐落餘杭縣荒蕪未種並無稽田地二百九十二頃二十八畝零草竹蕩四十頃八十畝零由餘杭縣征解荒蕪未種田地四十頃一十五畝零飭縣設局清賦招墾

光緒餘杭縣稿

糧額舊征地漕等銀三萬七千一百二十二兩零每兩連耗合錢二千二百零二十文應作錢八萬二千四百零十串同治四年知縣鄒梓生奉禁浮收每兩連平餘合錢二千零八十九文計應解錢六萬三千二百九十三串零向存平餘一萬九千一百一十七串內支本署飯食茶鑪柴油等膳一千四百串同城僚屬津貼四百串幕友修差役門印並鄉櫃各項二千四百串戶庫書銀匠試並各項辦考等用二千四百串鄉闈科歲府縣考五十串內專解本道三百串辦公雜用二千五百生童花紅等二百串書院山長及留給本署雜用等一千二百串計裁去平餘五千一百九十七串合存平餘錢一萬三千九百二十串

額征科則有閏田每畝徵銀壹錢叁分式釐伍毫止戈田每畝徵銀壹錢捌毫捌絲捌忽米伍升陸勺捌撮式勺捌秒山每畝徵銀壹分叁釐玖毫蕩每畝徵銀壹分捌撮捌圭叁絲米柒勺叁秒玖釐玖毫

肆絲 米壹 無閏田每畝 徵銀壹錢叁分捌絲 止戈田每  
合陸勺肆秒 徵銀玖分玖釐 地每畝 徵銀叁分伍釐玖毫陸絲肆  
畝 米叁升柒合 忽 米伍合貳勺伍秒柒撮 山  
每畝 徵銀壹分叁釐陸毫肆 蕩每畝 徵銀壹分玖釐玖毫  
肆絲 米柒勺貳秒伍撮 肆絲 米壹合陸勺  
叁秒 貳撮

其餘額賦照舊徵解惟漕運之南糧光緒十五年巡撫崧  
駿奏准變通辦理飭縣立石新章節錄於後

光緒十五年五月初三日奉

旨浙江杭嘉湖三府年外完者謂之南糧為旗營兵米之用同  
治四年定價每石約需錢三千八百文當時米價昂貴尙無  
軒輊近則米價日減折價日增竟有增至五千七千不等地  
方官因民欠愈多亦須賠墊以致官民交困著浙江巡撫崧

光緒餘杭縣志稿

駿確切核議設法變通奏明辦理等因欽此是年十月初七  
日巡撫崧駿覆奏請自光緒十五年冬漕為始各屬糧米  
不分漕南概收本色不准再有南折名目各州縣經收本  
米一石照章收耗米二斗五升按照市價折錢歸於向收  
錢文之漕費項下完納為州縣修倉鋪墊運漕水腳等用  
無論大小戶一律完納不准短少願完本色者聽如有刁  
玩之戶抗延不完遲至年外者應照江蘇成案每石酌加  
公費錢三百文其有願完折色者按照市價折錢正耗並  
納不准胥吏影射抬價奉

旨允行十六年七月知縣楊炳灼遵抄立石

戶口

光緒十六年實計二萬二千一百一十一戶 男女大小六萬六千七百五十九口

十七年實計二萬二千四百戶 男女大小六萬六千七百三十五口

十八年實計二萬五千八百戶 男女大小六萬六千六百四十六口

十九年實計二萬六千二百戶 男女大小六萬六千六百五十五口

二十年實計二萬七千三百戶 男女大小六萬六千六百八十六口

光緒餘杭縣志稿

卷

二十一年實計二萬七千五百戶 男女大小六萬六千七百二十八口

二十二年實計二萬八千九百戶 男女大小六萬六千七百六十六口

二十三年實計二萬九千五百戶 男女大小六萬六千六百九十五口

二十四年知縣關鍾衡奉辦團練保甲計歷八十五庄 本縣土著一萬五千一百三十一戶 男女大小六萬八千七百二十四口

客民

紹興三百零九戶 一萬四千三百三十六口 甯波二百零三戶 四千三百二十一戶 温州八百

四十一戶 二千九百八十三口 台州三百三十戶 一千三百二十四口 衢州四戶 十四口 嘉興四戶

十三口 湖州十六戶 六十九口 處州二十一戶  
 六十一口 金華二百五十四戶 九百五十四口  
 本府各縣二百四十九戶 九百四十三口 江西三十  
 六戶 一百四十七口 江南三百四十一戶 一千三  
 百九十一口 河南四百二十三戶 一千六百九十一  
 口 江北八戶 十九口 湖南十一戶 二十三口  
 湖北十五戶 三十一口 福建五戶 十六口 船家  
 四十戶 一百四十七口 廣東一戶 五日 四川三  
 戶 十戶 共計七千四百十四戶 男女大小二萬八千四  
 百九十九口  
 土客兩共二萬二千五百四十五戶 實計男女大小九  
 萬七千二百二十三口

附載保甲團練章程 一每庄由甲長分段造冊無論土客  
 或由甲長與保正編為零戶附於冊後照式注明送縣以備  
 稽查 一傭工之人來往不息造冊日已受僱者注明某  
 戶散工之人甲長查明來歷始准居住造冊後傭工有進  
 出甲長報明保正以便對冊核銷 一每庄甲內土客中

光緒餘杭縣志稿

卷

有不安分者由甲長知會保正轉告團總稟縣查辦違則  
 惟甲長是問造冊後團總逐段隨時稽查遇有偷賣洋煙  
 竊賊鬧賭即由地保稟縣驅逐基地棚屋入官充公違則  
 惟地保是問團總仍於每季之末將循環簿注明送縣以  
 備稽查 一每庄團練分段編號分給燈籠遇有盜賊鳴  
 鑼放鎗三響為號隣近村庄三里之內無論何團一體救  
 護違則團總查明公議示罰三里之外各於就近一體把  
 守遇有無燈而過者即予立拿若無盜賊走過守至天明  
 為率違則由團總查罰稟究 一團總稟報團務由縣給  
 發戳記一顆不准用稟私事書役人等不准需索團總分  
 文 一每庄客籍附入保甲冊內合併團練不分土客舉  
 客民之散棚長作為甲長客民之總棚長由縣給諭分理  
 團務作為保正應辦團練散棚聽總棚約束總棚聽  
 團總約束至催納錢漕散棚及總棚仍照向章辦理以上  
 數則知縣關鍾衡稟明立案

倉廩

本邑倉儲計共七所或存或廢均詳舊志惟縣治東三里大東關東南庄之便民倉咸豐之季被粵逆燬棄同治五年知縣程培勳重建計頭門三間倉廳三間川堂一間上房五間倉神殿三間頭門一座倉廩六十間廚房二間照牆一堵四面圍牆二百五十丈又披屋兩間光緒二年蛟水大發冲塌頗多知縣嚴耆孫重修

兵制

國朝新更營制 把總一員駐紮餘杭專防餘臨二縣外委一員駐紮臨安協防餘臨二縣嘉慶志載戰守兵七十二名咸豐前減作六十二名同治三年十二月改作什長三名伍兵三十二名隨把總駐餘杭什長每名月給餉銀三兩六錢伍兵每名月給餉銀三兩由省中軍需局按月支領四年十一月撥兵十名赴臨安七年減兵增餉更定營制計定餘杭縣戰兵十二名守兵二十五名八年正月改支戰守糧餉戰兵每名月給餉銀二兩五錢守兵每名月給餉銀一兩五錢每兵月給米三斗每斗折錢三百二十文餉銀在司庫給領米在南糧項下支給光緒二十一年至

光緒餘杭縣志稿

二十四年每年奉裁一成計裁存餘杭縣戰兵九名守兵十七名共二十六名

鹽法

票引條例均詳舊志新章酌改三則節錄於後

一餘邑食鹽向由肩販填引赴竈支鹽挑至觀音關查驗放行運餘銷售咸豐末遭兵燹觀音關至餘杭塘路塌損肩販難行稟請暫行船裝俟塘路修復再歸肩挑

一餘邑鹽捕額設十二名每年照舊支工食銀柒拾貳兩遇閏加銀陸兩

一餘邑鹽課向由肩販赴商填引應完銀兩核入引單由引商逕解鹽庫概不報縣轉解



郵政

嘉慶十九年旱巡撫顏檢奏准蠲緩

以下光緒府志

道光四年巡撫黃

奏浙江杭州等府上年被水成災

本年豐收民間元氣未復請將杭屬之餘杭等縣應徵道光三年分蠲剩緩徵銀米又帶徵二年分銀米原定一年徵完者分作兩年帶徵其原分兩限三限帶徵三年分之南米加展一年分作三限四限帶徵至二年分舊欠南米限於本年秋後徵收備滿洲綠營支用等因十一月十一日奉

旨允行

二十九年大水巡撫吳文鎔奏准蠲緩

光緒餘杭縣志稿

卷

二十六年十一月賑浙江餘杭等縣衛並蠲緩新舊額賦

咸豐四年災巡撫黃宗漢奏准蠲緩

六年大旱蠲緩新舊額賦

九年大水溪塘冲缺巡撫

奏准蠲緩勘修

同治三年左宗棠奏浙江新復州縣連年被賊蹂躪小民困苦流離請將被擾最深之餘杭等州縣應征本年分錢糧照二年成案蠲免等因四月二十三日奉

旨允行

四年馬新貽奏本年六七八等月雨暘不時杭屬等處田地山塘蕩灘瀆或荒蕪未種或水旱無收請將杭屬之餘杭等縣應征本年分銀錢蠲免至各屬成熟應征本年分

銀米蠲免五成酌徵五成各衛所應徵各款各照坐落之  
縣辦理等因十二月十四日奉

旨允行

五年馬新貽奏浙江杭州等府屬自遭兵燹元氣大傷閭  
閻困苦民間糧產或限於人少或開墾無資以及流亡未  
報被賊挖掘濠壘遽難挑復者實與尋常災荒不同請將  
杭屬之餘杭等縣應徵本年分銀錢蠲免其各屬成熟應  
徵本年分銀米計餘杭縣新種田四百八十頃田十五畝  
零地四十二頃二十一畝零山一百二頃五十畝零蕩七  
頃二十四畝零酌征五成蠲免五成各衛各隨坐落辦理  
等因十二月初七日奉

光緒餘杭縣志稿

卷

旨允行

六年馬新貽奏杭屬之餘杭等縣荒廢暨新墾未種無收  
田地山塘蕩灘澳應徵本年分銀錢請行蠲免其被災歉  
收之各田地應徵本年各項銀米緩至次年麥熟起限征  
完災歉各戶未完舊欠暨原緩帶徵並秋後減色難令新  
舊並納之銀米一律遞緩一年至各屬成熟計餘杭縣新  
墾已種田六十頃六十二畝零地二十二頃十八畝零山  
二十八頃五十九畝零蕩二頃八十一畝零應完各項銀  
米徵收五成蠲免五成各衛各隨坐落辦理等因十二月  
初四日奉

旨允行

七年李瀚章奏杭屬之餘杭等縣新墾未種無收流亡未報各田地應徵本年分銀錢請行蠲免其被災歉收應徵本年分銀米緩至次年麥熟起限一年徵完災歉各戶未完舊欠暨原緩地漕遞緩一年徵收其各屬成熟計餘杭縣新墾田四十六頃八十畝零地三頃一畝零山二十一頃二十九畝零蕩三十一畝零徵五成蠲五成各衙辦理從同等因十二月初十日奉

旨允行

八年李瀚章奏杭屬之餘杭等縣新墾未種無收流亡各田地應徵八年分銀錢請行蠲免其歉收之應徵銀米緩至次年麥熟起限一年徵完災歉舊欠暨原緩帶徵遞緩一年徵收等因十二月十一日奉

光緒餘杭縣志

卷

旨允行

九年楊昌濬奏杭屬之餘杭等縣荒蕪未種流亡各田地應徵本年分銀錢請行蠲免其未完舊欠暨原緩帶徵遞緩一年徵收至各屬成熟計餘杭縣新墾田十五頃六畝零地十頃六十八畝零山三十九頃六十五畝零蕩六頃九十七畝零征五成蠲五成各衙辦理從同等因十一月十三日奉

旨允行

十年楊昌濬奏杭屬之餘杭等縣荒蕪未種流亡各田地應徵本年分銀錢請行蠲免其歉收之應徵銀米緩至次

年麥熟起限一年徵完未完舊欠原緩帶徵遞緩一年徵收至各屬成熟計餘杭縣新墾田十六頃八十畝零山四十一頃三十二畝零蕩四頃二十五畝零地九頃十六畝零徵五成蠲五成等因十二月二十八日奉

旨允行

以上郵政凡在同治四年後者有災歉之蠲緩有荒廢及墾復之蠲緩惟墾復之蠲緩自同治十一年至光緒七年歷年均有其畝分十年前均各分縣奏報十一年後概開總數具奏不專列餘杭一縣原文不涉災歉不贅錄也

光緒二年大水南湖塘圯巡撫楊昌濬撥款修隄以工代賑

八年九月徑山蛟發月灣塘圯巡撫陳士杰委員勘修奏准蠲賑

光緒餘杭縣志稿

卷

四

十五年九月大水巡撫崧駿奏准蠲賑發倉平糶

十八年旱蠲緩新舊額賦

二十年旱巡撫廖壽豐奏准蠲緩

二十四年旱蠲緩新舊逋賦

育嬰堂 光緒十三年知縣路保和建立其費奉准由東

關釐局善後項下提撥三成又本地絲捐項下每包加抽

洋五角章程六條節錄於後一新舊交接宜嚴也原議交

屆董事將餘用錢洋當面如數檢交但恐為數或多一時

不能全付上下徇情含糊接手其弊必至短缺積久善事

廢矣今議是日上下值年董事必須公同檢明全交全接

仍照前議取具退管接管各稟送縣存案設有情弊一經

察出查明何年何人接手著令賠補不涉交者之事如此

則混收者無故受賠諒亦不甘混接此為慎重公事起見

非漫不通情也一議存放銀洋宜慎也查前屆餘洋二

百元存放萬興點月一分起息固屬無碍但恐日後餘洋

或多存放鋪戶難保無弊今議將上屆所交餘洋酌提每

年應用之四分存堂備用餘洋若干分存三典周年八釐

起息并取具各典領紙送縣存案另立手摺存堂以便值

年者持摺取息如此雖利息較輕似與存鋪較有把握集

資匪易不得不思患預防也一議嬰孩肥瘦宜親驗也

原議堂內專設一常任司事以司嬰孩乳婦一切事宜月

底董事詣堂查驗但恐稽察不周有名無實且嬰孩不能

盡識流弊滋多今議每月初六十六念六三期乳婦抱嬰

詣值年董事之家請董事內眷眼同查驗嬰孩肥瘦何則

男子於此等事每多大意惟內眷細心靜氣并能認識嬰

孩形貌不至使乳婦有抱他處肥兒代驗混充之弊驗明

後肥者每兒每次給乳婦賞錢數百文瘦者扣除該乳婦

工食錢每次數百文瘦甚者斥退另換再值年董事每年

須派一城一鄉不可全派鄉董蓋嬰兒親驗全恃內眷也  
一議接充董事宜公舉也原議值年董事以十二人為  
限今仍照地支子午丑未排去分作六班輪流更換按年  
接手無庸查問倘眾董中有年老退事另請接辦須由在  
堂眾董公保誠實肯任事之人接充并請由縣補給照會  
以專責成以重職守不得由退事之家私行接手亦不得  
由一人獨保以啟弊端蓋公事公辦不特防弊亦欲同人  
悅服也一議司事事宜專任也原議堂中設司事一人常  
行住局專司嬰孩乳婦一切事宜尚未完言及掩埋事宜現  
又舉辦掩埋則任重事煩一人恐未能兼顧查現在尚以  
塾師兼攝論名則褻論事則煩似宜專設一司事專管嬰  
堂兼掩埋諸事不得仍由塾師兼攝以致曠課誤及司事  
酌支薪水錢四千文俟將來經費充裕再行另議一議  
塾師宜公請也原議塾師一條尚未議及現已開有義塾  
學徒雖屬不多而章程不可不定今議學徒每齋以十人  
為限如人數逾十五人則分齋每齋每月送束脩洋  
四元月費錢七百元文三節每節送節敬洋四元但塾師名

尊分重只宜管束生徒督率功課不得兼攝他事以曠館  
課而藝名分其延請塾師每年由堂中眾董公保送帖延  
請即有蟬聯亦必送帖以示尊重亦慎重斯文之意也塾  
中每月應由值年董事考課一次每季應請邑尊按臨考  
試庶學徒知所奮勉易於上進至送塾生徒先於上年十  
月先行開具該徒年歲籍貫送值年董事查明如果實係  
士著孤寒無依方許次年送塾讀書倘係客籍寄居并家  
有依靠者不得濫收此實由經費支絀非至嚴也

### 知縣路保和育嬰堂碑記

蓋聞治莫先乎保庶功莫大於  
活人况襁褓何知呱呱泣啞啞

啼撫之則生成棄之則殤折尤人情所不容已者乎餘邑  
向未育嬰自省垣達臨於絕無收嬰之所而河干岸側時  
有棄嬰慘如之何嘗與紳士熟商僉欲舉行而苦乏度支  
是以欲行而不果丙戌春邑紳褚維培等以育嬰瘞埋事  
呈請轉詳撥款乃與釐局彭君彙詳請撥蒙 大憲念地  
方瘠苦准撥餘東關釐局絲捐善後項下十成之三又飭  
在地細絲每包捐洋五角作地方善舉之用適年可三四  
百金此餘邑育嬰所自始也然育嬰必須設局邑中既無  
善堂又鮮公款因此而事幾中止余日俟諸異日不若乘  
今日之為愈也募諸眾人不若累一人之為便也爰乃於  
社學故址捐廉以建斯堂諸紳士咸樂於襄理工料既為  
堅實氣宇尚覺軒昂仲春興役閱五月而告成焉雖然堂

### 光緒餘杭縣志稿

育嬰

則建矣堂之為育嬰設也乳婦之勤惰也嬰孩之肥瘠也  
痛癢之宜關也經費之宜裕也苟無人焉以實心行實政  
仰體 大憲栽培之意是修其名而忘其實也端重賴於  
任事諸君子是為記

養濟院 基址詳列舊志每年額收養濟孤貧十五名每名每年發給口糧柴布銀四兩二錢除小建歿則給錢一千文以爲殮葬費皆由本縣錢糧項下作正開銷

義阡 光緒十四年十月知縣路保和捐置大東關側基

地一區

光緒餘杭縣志稿

祠廟

關帝廟在縣治前西偏光緒十二年知縣路保和修建

城隍廟兵燹燬光緒九年知縣彭寶謙創捐洋三千元重

建紳董潘曾壽董其事共用洋三千三百元不敷之款

邑中三典助洋一百元餘皆本地紳董捐集完工

忠義祠 在縣署東偏光緒三年浙江巡撫楊昌濬捐銀

貳千兩 奏請建祠奉祀同治三年克復餘杭陣亡記名

總兵王聯芳等二百二十八人每年支銀八兩春秋官爲

致祭其歲脩費由紳籌捐存典生息計祠地六畝四分二

釐八毫

節孝祠 咸豐年吳鼎燹以舊祠地址窪下就先蠶祠址

光緒餘杭縣志稿

募捐重建兵燹燬同治六年重建

先蠶祠 同治六年重建

文昌閣 同治十二年重建雖有存典息款歲修久爲白

蠹蛀損光緒二十九年官紳助費重建

三官堂在閑林鎮後有佛殿臨水有文昌閣創自

國初庚申粵寇亂燬於火同治六年里人復其前殿光緒二

十一年由馮王兩姓缸行倡捐規復如舊



職官表

知縣

何太青 以仁和知縣署嘉慶年任

董 岫 道光三年任

黎卓仁 道光年任

張銘鼎 直隸人道光年任

張華孫 道光年任

沈 淇 道光年任

李玉典 鹽山舉人十四年任

萬起封 南昌人十五年任

陳紹熊 甯鄉人進士十七年任

江思濬

王清照 二十二年任

李枝青 文登人

李培基 有傳二十七年任

畢承昭

李 檀

劉玉衡 遵義舉人咸豐六年任

韋 失名

李世基

光緒餘杭縣志稿

卷

程芝瑞

胡堯戴

胡廷琛

宗 佑

蔣鳳祥 咸豐十年任

吳 滢

胡聯慶 如皋人孝廉方正同治二年九月署

鄒梓生 丹徒監生十月署

程培勳 婺源舉人四年五月署

錢國珍 宛平舉人五年三月署

劉錫彤 鹽山舉人七年正月任

車鳴鸞 祥符監生十年七月任

劉錫彤 八月回任

劉 澍 長沙舉人十一年七月任

劉錫彤 十二年九月回任

嚴耆孫 有傳光緒二年四月署

王崧辰 閩縣進士三年七月任

張德遜 武岡貢生五年七月署

王崧辰 九月回任

彭寶謙 樂平人八年九月署

孫壽彭 大興副貢九年十一月署

路保和 荆溪貢生十年三月任

周延祚

建陽監生十五年七月署

路保和

回任十月

楊炳灼

遵義舉人十六年正月署

吳士愷

陽湖人庶吉士十六年十一月任

羅銘勳

大興監生十七年七月代理

蔡秉澄

歸善舉人十八年八月署

關鍾衡

平樂拔貢十九年十二月署

周秉鈞

吳江監生二十年正月署

周延祚

十一月署

陸爾昭

陽湖舉人二十三年二月代理

關鍾衡

四月署

舒鉅祥

成都舉人二十四年十月任

光緒餘杭縣志

卷

縣丞

蔣恩植 睢州人 道光十一年任

張新煦 陽湖人 十四年任

傅汝梅 高安人 二十三年任

陳廷桷 長沙人 咸豐九年任

霍印浦 十一一年署

王熙 荆溪人 同治二年署

程道矩 安陸貢生 四年四月任

王希曾 金壇監生 十年十月署

劉錫彤 知縣兼署 十二年二月以

莊鳳啟 武進監生 十一年七月署

許銘恩 江陰監生 十二年二月署

程鵬萬 江西監生 十二年七月署

張廷桂 博野人 十二年二月任

秦觀榮 善化監生 十一年一月署

慶常 鑲紅旗人 十二年六月任

陳寶璋 福安監生 十二年二月署

陳夫杰 上元監生 光緒二年三月署

梁慶昌 長沙監生 三年正月任

程家驥 婺源監生 七年七月任

胡炳章 吳江監生 八年十月任

光緒餘杭縣志稿 卷

康達兼 南海監生 十一年十二月任

費錫璋 震澤貢生 十五年三月任

周灃 溧陽監生 八年八月署

辛傳註 章邱貢生 十六年四月任

徐鍾慶 奉新監生 十七年四月代

周秉崧 長沙貢生 十一年一月署

周傳煜 吳江監生 十八年十一月署

葛奎 嘉定廩生 二十年四月署

范傳心 應城貢生 二十一年三月任

典史

歸顯

常熟人道  
光年任

林俊

龐鶚

吳縣人咸  
豐四年任

何顯

唐化成

大邑人  
九年任

孫承鏐

陽湖監生同  
治二年署

朱瑞元

涇縣監生五  
年八月署

蔣廷弼

上元人六  
年五月署

何允益

江夏監生  
七月署

蔣廷弼

復任  
十二月

徐惠麟

漢陽監生七  
年九月任

衛墀

震澤監生十  
年四月任

張緒曾

商城人十  
一年署

費元鼎

吳縣人十  
二年署

葉之鈺

武進監生十  
三年四月署

翟國棟

涇縣監生  
八月署

單立勳

上元監生光緒  
二年三月署

焦文錦

祥符監生  
三年署

姜紹高

吳江監生四  
年三月任

徐惠麟

六月  
再任

光緒餘杭縣志稿

卷

陳星涵

昭文人  
九月署

張承霖

江甯監生六  
年三月署

何覲藩

長沙監生七  
年二月任

俞鴻鈺

何俊

甯縣監生九  
年七月署

溫繁照

嘉應監生十  
年七月任

方祖培

績溪監生十  
六年二月署

溫繁照

同任  
十月

彭鏐

上海監生二十  
二年正月署

姜遇鴻

歷城人供事二  
十三年四月任

教諭

鄒士貴

有傳桐鄉舉人嘉慶年任

周文楷

山陰舉人

朱文珮

海鹽舉人

周煒

吳集

蘭谿舉人

張學乾

開化舉人道光年任

嚴以振

餘姚人

謝蘭生

孫其濬

會稽歲貢生

查世瑛

嘉興舉人二十七年任

項

咸豐元年任

盧掌綸

鄞縣舉人七年任

余承普

山陰舉人

朱廷楨

嘉興舉人同治二年任

嚴岳森

慈谿舉人四年任

王源濬

會稽舉人六年任

何佩銓

蕭山副貢七年署

黃文光

象山增生八年署

胡梁

鎮海舉人九年署

黃林宴

浦江貢生十年署

光緒餘杭縣志稿

馮淦

山陰舉人九月任

喻坤

嵊縣人十三年四月署

馮淦

五月同任

孟沅

光緒三年正月以仁和教諭兼

沈有瀾

定海廩生三年三月署

章誥

歸安人四年四月署

陳善

山陰舉人九月任

吳頴炎

諸暨生十年二月任

凌昌聲

鄞縣舉人十年八月任

訓導

張邦蓋 浦江舉人

時樞 有傳

沈煊 嘉興舉人 道光元年任

方堃 建德人 有傳

孫其濬 以教諭兼

孫慎機 嘉善貢生

蔡應琦

鄭景山 處州人 十七年任

王庭燧 湖州人 咸豐元年任

陳其彩 上虞廩貢 十年任

王仁 黃巖附生 同治三年署

葉墀 餘姚廩生 五年四月任

項球 縉雲貢生 七年閏四月署

王庭燧 十一月再任

胡梁 光緒三年二月以教諭兼

葉墀 六月再任

陳善 四年二月以教諭兼

袁子喬 嶺縣拔貢 八月署

沈閩岷 德清貢生 五年十一月任

吳逢慶 七年二月署

光緒餘杭縣志稿

朱銘 八年八月署

金受鑿 山陰舉人 八年十一月任

蔡召成 九年三月署

金受鑿 五月回任

余錫年 遂安拔貢 二十三年三月署

胡元欽 鎮海廩貢 六月任

餘臨汛把總舊志職官表不載庚辛以前亦無可考茲將

陳鯤城陷陣亡奉給雲騎尉世襲

范聖文同治三年十二月署

茅定安四年十一月署

趙廷燮七年二月任

高洪深八年九月署

朱兆貴九年十一月任

呂芳十三年九月署

凌得俊光緒元年二月任

鄭鶴鳴五年十月任

凌得俊七年九月復任

陳得勝二十二年十月署

楊政梅二十三年六月署

光緒餘杭縣志稿

外委

李嘉樹

同治四年十一月署

李勝彪

十三年九月署

許寶生

光緒二年六月署

韓鳴皋

五月署

陳慶昇

六年三月任

張金彪

十一月任

楊政梅

二十三年三月兼

光緒餘杭縣志編





名宦

何太青字藜閣廣東順德人嘉慶中由翰林改知縣歷宰

餘杭德清仁和所至有聲愛才若命與士子討論詩文晝

夜不倦擢嘉興海防同知

嘉興府志

張吉安字迪民吳縣人乾隆四十二年舉人大挑以知縣

發浙江署象山嚴水米出洋之禁繼權新城縣事以去水

遠倉設省城民以折色輸官官多浮取吉安平其折價民

力以紓厯署永康麗水浦江並有遺愛碑嘉慶八年補餘

杭春雨傷禾米價騰踊請糶倉穀又請官運米五千石濟

之明年復被水分鄉設廠煮粥別男女以賑官帑外復勸

官民協濟餘杭民祀之洞霄宮

吳縣志

光緒餘杭縣志稿

姚景仁挽張邑侯詩賢侯莅吾邑實惟癸亥歲其時冬

已暮侯與春偕至甲子夏大水游民多無賴除暴以安

良惟侯善撫字侯政寬而肅莠民罔勿畏侯心公而明

良士罔勿慰森森南湖水翼翼安樂寺塘上兩株槐寺

裏一株桂侯昔憫于此相戒勿剪拜侯本通經士經術

飾吏治善政不勝書一事吾猶記黃湖潁川子兄弟相

忿伎侯弗施蒲鞭與之歌常棣方寸各有天爾心自蔽

翳弟當恭厥兄兄常憐厥弟反復開導之彼此皆流涕

吾邑盛科名極盛難為繼甲子赴秋闈都落孫山外公

與諸生言爾志慎勿懈爾業非不修爾德崇也未蓬瀛

路不遠即在爾心地見利勿忘義當以義為利心地既

光明窮通可弗計諸生慎公訓退而相勉勵心存腔子

中思過門常閉公常出東門遙向東南睇指與邑人言

此塔屬巽位文筆峯日頽何怪文風壞爰共鳩金修刊

碑入縣志丁卯赴秋闈捷者果有二羣謂公所言不啻

若卜筮公曰豈其然前言乃游戲兩生舉孝廉其來都

有自余生善事親讀書兼荷耒蔡生敦內行立品此為

最生等擅才華豈必遜余蔡得毋言行間不若兩生粹

其時環聽者捫心都自愧諸生靜無言公言愈慷慨太

息禹航文半習尤王派更有枯槁者索索無生氣詩文

失官樣是豈廟堂器嗟哉復嗟哉父母何希冀須知場

屋文榮世非傳世揣摩苟不工終為伏櫪驥場名苟不

早忠孝何由遂窮儒奉檄喜喜有衰親在所以古之人  
牛刀甘小試垂老得科名孝養恐弗逮侍者肅然聽公  
言一而再中有老諸生低頭頻拭淚顧謂後生云公言  
一何摯言從肺腑出言出沁人肺齊末不揣本疇昔良  
知昧士肯致良知實惟公善誨公來歌來暮公去留去  
思自侯去我邑于今二十載去秋燕鹿鳴吾鄉與者四  
飲水當思源為問伊誰賜  
今公千古矣公德永弗替

鄒士貴字又賢桐鄉人乾隆己亥舉人性至孝年五十餘

猶依依母前官餘杭教諭學舍荒頽穿窬三入其室飢寒

幾不能自存憤鬱而卒

桐溪  
詩述

時樞字秋鶴平湖人嘉慶中以廩貢選授餘杭訓導潛心  
治詩于先儒之說搜采詳備大旨以毛傳為宗曾上書大  
府請祀大毛公格於吏議時論惜之得黃忠端遺象勒石  
洞霄宮精琴律學中樂器皆次第修整教弟子肄業焉

錢  
泰

光緒餘杭縣志稿

吉曝書  
雜記

方堃字順之建德人性英敏學綜羣籍課士有方署餘杭  
訓導欲新崇聖祠疾甚命子以新進東脩送縣備用翌日

卒

建德  
縣志

李培基字曉邨雲南會澤人由拔貢選授餘杭知縣涖任  
七年刑措不用遇催科以名刺署是我親催四字飭里正  
婉諭翌日鄉民麇集輸納恐後署故有味菜居半畝之地  
栽蔬自給郡守稱循吏為七十二州縣最調任錢塘旋擢  
同知未及赴任咸豐十年協同守城殉難

光緒杭府志參  
浙江忠義錄

嚴耆孫字英仲淮安清河人以軍功保知縣分發來浙江  
光緒二年署餘杭甫下車即詢民間疾苦夏六月天目水

發壞隄決防漂人畜田廬無算乃輸金促民刺舟拯救多  
賴以濟八月土匪起臨安避氛者絡繹過市居民駭走一  
鎮以靜密陳大府發精銳彈壓是時邑有巨獄部控未決  
凡剿匪勘災提案員弁紛至沓來而漕糧不及十分之一  
逋負纍纍不以苛歛病百姓卒因虧累被議去任士民惜

之

光緒杭  
州府志

光緒餘杭縣志稿

選舉

進士

道光九年己丑李振鈞榜

李

城四川石泉縣知縣  
改台州府教授

十二年壬辰

成皇帝五旬萬壽恩科吳鍾駿榜

沈

鈞鴻臚寺少卿

十三年癸巳補行正科汪鳴相榜

汪元方

都察院左都御史

贈太子少保

子謚文端

姚憲曾

翰林院庶吉士

咸豐二年壬子

光緒餘杭縣編卷

顯皇帝登極恩科章鋆榜

朱光紱

六年丙辰翁同龢榜

張敬生

戶部員外郎

唐

潮未殿試

十年庚申

顯皇帝三旬萬壽恩科鍾駿聲榜

姚清祺

原名乾高  
合肥知縣

光緒三年丁丑王仁堪榜

褚成亮

未殿試

六年庚辰黃思永榜

褚成博

舉人

嘉慶十三年戊辰

睿皇帝五旬萬壽恩科

符 鯤

十八年癸酉科

王家桂 原名家相  
麗水教諭

二十三年戊寅

睿皇帝六旬萬壽恩科

董榮名 巴東  
知縣

鮑繩武

二十四年己卯科

章復纁

光緒餘杭縣志 卷

道光五年乙酉科

阮文澄 金華府  
訓導

八年戊子科

汪元方 癸巳  
進士

鮑光霄 江陵  
知縣

章長發 改名礪金覺  
羅官教習

李 城 己丑  
進士

十四年甲午科

陳學溶

楊宇凝 順天  
中式

十五年乙未

孝和睿皇后六旬聖壽恩科

王燮堂 烏程  
教諭

十九年己亥預行正科

李懷國 嶧縣教諭

二十年庚子

成皇帝六旬萬壽恩科

鄭蘭 山東鹽運使

朱光紱 順天貫壬子進士

咸豐元年辛亥

顯皇帝登極恩科

褚維壇 六安州知州

褚成績 維壇子 署吳縣知縣

二年壬子科

張敬生 丙辰進士

五年乙卯科

姚乾高 改名清祺 庚申進士

章 杰

光緒餘杭縣志稿 卷

王錫疇 黃巖教諭

吳傳豫

九年己未

顯皇帝三旬萬壽恩科

吳辰翼

同治四年補行咸豐辛酉正科並壬戌

毅皇帝登極恩科

史悠恒

李 燧 改名炳堯

六年丁卯並補行甲子科

褚成亮 丁丑進士

九年庚午科

許悅堂 改名繹

十二年癸酉科

楊乃武

光緒元年乙亥

今上登極恩科

李福冕

王若濟 順天中式河工保舉知縣

二年丙子科

姚 廣

五年己卯科

褚成博 庚辰進士

八年壬午科

吳懋祺 定海訓導

光緒餘杭縣稿卷

十一年乙酉科

孫樹禮

姚詒慶

十四年戊子科

章炳森

十七年辛卯科

褚德儀

孫樹義

姚光浚

十九年癸巳

皇太后六旬萬壽恩科

郎紫垣

吳正聲 順天中式

吳炳聲 順天中式

二十年甲午科

吳和聲

二十三年丁酉科

吳中聲

姚熙績

董鴻勳

二十八年壬寅補行庚子正科辛丑

今上三旬萬壽恩科

孫祖烈

章 峻

孫祖燧

章炳業

王毓岱

褚德紹

二十九年癸卯

光緒餘杭縣志稿

卷

皇太后七旬萬壽恩科

潘光組

沈綬恩

恩貢

嘉慶年

孫以封

鮑宸錫

俞開傑

宣平高

寅

道光年

楊家龍

汪應寬

咸豐年

董基謙

路 瑩

董基鼎

董 震

郎 瑞

同治年



沈國勳

光緒年

何國浚

孫樹禮乙酉舉人馬禮 李紹柱

宋鼎榮

拔貢

嘉慶年

王家相

改名家桂 癸酉舉人

道光年

邵鑑

兩淮鹽 經歷

董基鼎

沈福謙瑞安教諭保 舉知府有傳

咸豐年

吳慶祺

改名昌祺 戶部主事

光緒餘杭縣志稿 卷

同治年

吳景祺

光緒年

鄭在德

七品小 京官

高鴻飛

歲貢

嘉慶年

孫文熙

潘之松

馬松

吳楠

邵錫仁

楊翔龍

姚基

鮑宸誥

沈紹元

道光年

蔡錫

蔡寅

朱昞

徐培之

董榮桂

沈夢熊

潘夢潮

董青標

姚燠

董作本

邵階

王家榮

董基泰

王家本

吳鼎燧

嚴鼎梅

沈燦

咸豐年

郎璟

顧文澄

徐喬

同治年

孫樹義

辛卯舉人

顧震脩

高以信

姚晉高

盛垣

光緒年

姚辰飛

金鼎元

蔡光黻

王毓岱

庚子辛丑舉人

光緒餘杭縣志稿

卷

孫樹仁

孫樹聲

王樹森

沈懋德

孫炳燦

朱福履

姚更高

副貢

嘉慶年

俞邦緒

道光年

李祿來

乙未

俞恩慶

李懷堯

桐鄉教諭

咸豐年

董榮烈

光緒年

陳祖鏞 甲午 徐志淵 丁酉

鄉飲賓

嘉慶年

王 揆

道光年

沈 澄 郎 巖 郎元蛟 郎元楷

咸豐年

郎文高

光緒餘杭縣志稿 卷

光緒餘杭縣志稿

人物列傳

顧孝子乾嘉時人居靈源四五莊軼其名家貧力田為業  
事母至孝母畏雷每晦冥雷鳴孝子雖在外傭工或耕耨  
必冒風雨歸擁護之母歿哀毀骨立葬於屋側夏月雷奮  
孝子必披蓑荷笠至墓前呼曰母無畏兒在此若雷雨徹  
夜亦長侍不去必待雷止始歸後孝子卒無子葬於章氏

義莊之側今其墓尚存

章炳森撰傳

王家桂字芸莊嘉慶癸酉拔貢旋登賢書學有根柢楷法  
端麗雖繕錄必以正七上春官不售益肆力於學大挑選  
麗水教諭麗俗健訟校官或為關說家桂進諸生以勤學

光緒餘杭縣志稿 卷

敦品為勗凡干謁者力拒之

王氏家譜

王家業字康基附貢生精歧黃工倚聲著有茗花館詩餘

四卷

杭郡詩三輯

章鈞字安圃號治齋廩貢生任海鹽訓導性孝友慷慨善  
理財年十八承祖命董家事經營數十年遂致富弟基早  
卒撫其三子既長分家資之半與之道光八年承祖之權  
遺命捐錢三萬緡創建茗南書院餘資存典生息充膏火  
費有司上其事於

朝得

旨建樂善好施坊於書院前又捐田千畝錢若干緡建義莊凡族  
中孤寡廢疾老弱者月贍粟米貧者婚喪給費開義塾以

課合族子弟入學補廩中式皆給資有司奏

旌亦如例咸豐庚申寇亂書院燬圯僅存基址石坊在沙河之西

義莊存田八九歲收租米贍族設學給諸費如故章氏家譜

沈鈞字禹和性慷慨幼以周恤為己任家計中落而性好

施與有外族某犯城旦臨行數日前其父哀泣萬狀鈞適

鬻產得銀三十兩即分半與之鄰人賈其章夫婦老無子

病疫延醫湯藥皆鈞任之戚串有急難典屋措貲以待其

用借貸者不責償券積數寸悉焚之沈氏家譜

王煥然字有章又字斗槎廩貢生少端重有器識兄早世

撫其二子如己子修築茗溪陡門以捍盛漲濟貧拯溺歲

以為常任蕭山建德教諭建德遭旱災輸粟助振告歸後

光緒餘杭縣志稿 卷一

鄉人乞貸必量力應之或焚其券子燮堂字也農道光十

五年舉人麗水教諭居鄉遇災款亦好施子孫若濟字秋

舫光緒元年順天鄉試舉人性慷慨好讀書講求水利兼

通醫術丁文誠公寶楨巡撫山東時招若濟佐理河工保

舉知縣杭郡詩三輯 參王氏家譜

阮文澄字淡人道光五年舉人孝友績學工詩古文詞識

汪文端元方於幼時以女妻之選授金華府學訓導未赴

而卒校官詩錄參 杭郡詩三輯

鮑光喬元名龍章字周韞道光八年舉人歷官湖北江陵

應城知縣丙午己酉分校秋闈頗稱得人在應城最著政

績保薦卓異加知州銜子知管為福建某縣知縣杭郡詩三輯

章礪金字石芝道光八年舉人考取覺羅官學教習以教諭用咸豐十年六月十九日賊至執之礪金怒罵不絕口賊以刃斷其指復斫其背僵仆賊去鄰人急救之始蘇次年九月杭城復陷餘杭四鄉皆賊絕食死族弟杰字杏樓咸豐五年舉人亦死卒西之難

忠義錄

李城字仲春道光九年進士眇一目而觀書敏捷過人官山東武城知縣分校秋闈所得多知名士

杭郡詩三輯

董榮光字瑞璜附貢生性孝友正直不避權勢持家政不私纖毫營新厦成母意欲與兄午橋弟未孩遂仰體親意願居老屋居恆排難解紛貧民之被株連者出貲拯之及葬日有工某竭力爲之成不受一錢則嘗因事被逮出之

光緒餘杭縣志稿

卷

於獄者也

董氏家譜

沈鈞字子衡號沈樓道光十二年進士居鄉以孝聞父以貧橐筆游粵音問梗絕者十餘年鈞積館穀徒步赴粵尋親不得仍歸侍母既而粵中訃音至含哀亟往扶柩歸家益落脩脯不足以養母往復省會侍書院膏獎奉甘旨母老且癱瘓鈞躬任僕役洎迎養京廡始蓄一媪母性好施與俸入奉母悉遠惠鄉里掌選司數年人稱廉平仕至鴻臚寺卿年五十六卒於官

述行

汪元方字友陳號嘯庵道光十三年進士改庶吉士授編修充武英殿纂修十七年充湖南副考官十九年大考一等充順天同考官二十年授山東道御史充河南副考

官轉掌廣東道御史以父年老病風手足不仁告歸終養親侍湯藥數年如一日二十七年八月丁父憂服闋補江西道御史疏言各省州縣諱盜爲竊勢難禁止當設法變通前闕浙總督劉韻珂雲貴總督林則徐皆有外府盜犯就近解道審結之議請

旨飭下各督撫遇重大盜案近者解省以符定制遠者解道以示體卹至竊案或法所不誅或情浮於法準令因時變通分別懲辦下部議行江浙水災元方疏言杭州府屬富餘臨於新昌六縣爲嘉湖上游湖州府屬程安德孝安武長七縣爲蘇松太上游皆係山縣惟程安德三縣山水參半山稅較田稅僅十分之一三十年前從無開墾者嗣有江蘇

光緒餘杭縣志稿

卷

淮徐安徽安慶浙江温台各客民至杭湖兩屬開種包穀棚居山中良莠雜處御史蔡廣颺曾有禁止棚民開山之請其時十開二三近已十開六七遇大雨沙礫盡隨流下民田化爲礮瘠下游溪河受淤水無去路浸溢成災實爲地方大害且稽查不易盜賊潛生請

旨飭浙江巡撫將未開之山禁止已開者傳業戶領回毀其棚窩押令出境則盜賊亦可稍息再徐籌疏濬之方庶于民田有益下所司議行轉吏科給事中咸豐元年奏言向例惟準廩生報捐教官自豫工例添增附生捐教一條致初入膠庠者紛紛司鐸老師宿儒求補一教官而不可得請令捐局停止此條下部議行充廣西副考官旋以軍務未竣

巡撫鄒鳴鶴奏請展期

命回京充順天同考官轉工科掌印給事中三年疏言

京師內城竊盜案件向歸步軍統領衙門管理五城例無責成前三門外則營汛司坊均有專責立法本周而奉行日久漸無實效請酌量變通凡營汛弁兵在各城地面者遇有緊要事件準其就近選派協同辦理其應駐堆撥及巡夜弁兵並責成巡城科道認真稽查步軍統領衙門仍密派司員抽查庶緝捕可期得力下所司議行九年升奉天府丞兼學政十一年調鴻臚寺卿同治元年督順天學政擢太僕寺卿遷通政使三年遷都察院左副都御史擢禮部右侍郎四年充會試知貢舉十月

光緒餘杭縣志稿

卷

賜紫禁城騎馬調戶部左侍郎充

經筵講官升都察院左都御史入直軍機處六年京察

上諭以元方同心贊畫勤慎和衷下部議叙充順天鄉試副考官

十月卒于位贈太子少保照尙書例

賜卹尋

賜祭葬

予諡文端

行狀

徐天浩太學生弱冠喪父事母以孝聞竭力完弟妹婚嫁性敦厚質直好濟人急爲人排難解紛同里汪文端器重之咸豐初見世亂日棘課其子喬讀書講武並約鄉里之丁壯於農隙日夕訓練粵寇至慷慨誓眾冀摧賊鋒遂罹



於難賊悉燬其廬而去喬歲貢候選訓導孫志淵丁酉副

貢

孫樹禮撰傳

楊宇凝字雨泉道光十四年舉人性和平篤實沈文忠公兆霖每督學必延宇凝校藝後從張文毅公芾之江西節署及皖南軍幕多所贊助

杭郡詩三輯

褚運鯤字凌九號北溟廩貢生捐職訓導選授桐鄉訓導繼母憂服闋選鎮海訓導升建德教諭升用知縣署石門會稽訓導三署海鹽教諭道光元年海鹽塘壞巡道林文忠公令督修章愛黎首伏周六號要工是處潮信月惟朔望後五日勢少殺露塘趾炊時許潮至復沒運鯤犯險下櫂不避寒暑閱二十四旬餘而工竣謁巡撫帥承瀛面目

光緒餘杭縣志稿

卷

黎黑大被獎勞塘工舊例保固二十年承瀛特爲保固三十年久之他塘屢圯惟運鯤所築者完鞏如新居人爲設長生位於障海樓三年勘烏程水災縣民莫殿玉糾眾扇亂委員王鳳生欲窮治之運鯤請散脅從懲首惡保全甚眾時石門勘災多隱冒運鯤奉巡撫命躬歷各鄉確查民沾實惠臨去送者萬人薛文豪馬鳳鳴等建亭鄧公橋立碑記事刻運鯤象焉十三年餘杭大旱十五年建德旱運鯤皆募資振饑募建桐鄉建德學舍所至捐資課士桐鄉金安瀾陸以御名建德張廣居蔡兆輅績學敦行通籍策名皆成就於運鯤二十六年丁父憂服闋以目疾不赴銓高明剛果儀式宗黨家居十餘年卒年七十有八

譚廷獻撰傳兼采行

述余麗元重建  
石門褚公碑記

張楷字式庵增生與庶吉士姚憲曾同入高氏書畫舫吟

社散葩振藻勝著一時

杭郡詩  
三輯

章鑑字曉湖附貢生少習舉業以妻病誤於醫徧購古今  
醫家書研究三十年初僅爲親族治病輒效嗣粵匪亂不  
得已行醫爲活嘗治時疫之脈絕氣脫者一劑卽起立方  
參變不泥古治危證藥不過三四味曰少則力專多則牽  
制也時粵匪脅紳士爲鄉官鑑避匿不得免適僞職某病  
篤延診枉道治之謝以金不受挽言辭職始得居鄉拯貧  
而病者凡醫資足一日用輒分潤鄰族所活人甚夥

述行

張鶴羣字虹橋生員少負奇氣好技擊家雙溪鎮當徽甯

光緒餘杭縣志稿

卷

之衝咸豐五六年間粵匪犯徽州甯國杭城戒嚴北鄉獨  
松關古稱天險長吏欲遣兵守關命鶴羣團練壯丁鶴羣  
告縣吏曰爲我報上府吾團練早成矣七年夏土匪胡萬  
成聚眾數萬謀逆鶴羣遣人密報大吏而陽與萬成結歡  
緩其師期數日甯國兵至鶴羣爲內應一舉滅之事平敘  
功得五品銜十年春賊陷徽甯窺杭城鶴羣率團勇守獨  
松關賊不得逞乃由武康梯子嶺進陷省城十一年九月  
陷餘杭鶴羣與二子率團勇迎擊爲賊所得有識之者謂  
賊曰此守獨松關之張某也賊怒甚縱炬焚之時年八十  
矣合門十餘口同時被難惟次孫釗得免同治五年八月  
國子監司業孫詒經奏請議卹得

旨予雲騎尉世職襲次完時以恩騎尉世襲罔替

褚維屋撰傳參采訪冊

俞邦紀字鑑西宋吏部侍郎俞烈之祠生幼失怙母教育成立娶婦程侍奉孀姑竭力敬事生子焜而沒邦紀年甫三十或勸再娶答云余已有子亦不納妾生平踐履篤實行止端方未嘗盛氣凌人而趨公赴義常若不及訓子義方嚴慈並濟咸豐九年以義行旌案

楊華國字文祥生員性至孝嘗再到股以療親疾

杭郡詩續輯

姚上元字芥舟游四川為幕友負盛名遂家焉善刻金石好交游著有吟梅館詩集次子培湖南衡山縣知縣培妻婁氏捐田贍成都嫠婦自有傳

姚熙績撰傳

沈福謙字子牧道光二十九年拔貢生授樂清訓導以憂

光緒餘杭縣志稿

卷

歸後從提督鄧忠武公紹良防勦徽甯保升同知

賞花翎咸豐八年十月濟泚大營被圍福謙適歸家聞警即馳赴甯國時賊四集人止之曰外援已絕勿蹈死地福謙不可

聞道入見紹良紹良驚曰此何等時若來何益夜遣親兵引之出不數里遇賊死

忠義錄

吳鼎彝字述庵歲貢生父卒十四日而生母高氏苦節撫孤紡績課讀鼎彝色養不懈繪績訓圖徧徵題詠母六七十生辰率減收田租以普母惠縣舊有節孝祠地處卑下被水衝圯鼎彝捐資擇地重建又脩葺先蠶祠釐剔惜字會積弊實力舉行著有茗南雜錄枕谿山館詩稿

行述參杭郡詩

褚維壇字爽齋運鏡長子也廩生咸豐元年舉人安徽候補知縣時安慶已陷巡撫福濟駐軍廬州維壇入其營典司文牘赴盱眙天長趣民捐未兩月輸者八萬舊例募集萬金者得公費百金維壇悉致之官一無所取八年署理來安知縣捻首李兆受降眾千餘散處城內外黠鷲叵測都司李錦標者兆受族也維壇察其驍果與同卧起時爲陳說忠義買豆麥哺其眾錦標及所部皆感奮尋別賊圍來安錦標竟戰死逾旬援兵至維壇出兵夾擊賊大挫遁去城遂獲全敘功升直隸州知州同治六年署理六安知州州故多豪猾構虛獄爲民患維壇到官甫兩月決滯獄三百民謹如雷會按察使吳坤修攝巡撫事夙銜維壇亢直擴其前官盜案誣爲匿報劾罷之子成績需次江蘇維壇往就養光緒八年卒年六十八著人境結廬詩集十二卷子成允槩行之

孫衣言撰墓誌銘

長子成績字紀常與父同榜

聯名舉人揀選知縣同治三年江蘇巡撫李鴻章召主營務進軍蘇州寶帶橋守蘇城之八僞王遣人詣軍門乞降而不肯釋甲鴻章誘斬之命成績持兵符入城周呼曰渠魁已授首脅從者速薙髮任自去不然無噍類羣賊爭自翦髮論功以府同知升用後以佐江蘇巡撫丁日昌辦理洋務輿圖有勞奏保升用知府以濬瀏河及丹徒丹陽河工竣加道銜八年署理無錫知縣縣境南枕太湖盜匪出沒爲民患成績嚴守備設購賞盜不敢入境十三年署理

吳縣知縣光緒十三年卒年五十有四

子德宣等行狀

盛培字

監生性仁厚喜施與鄉里緩急詣求靡不應

人或爭訟必排解使已不已則苦其唇舌以道之又不已則暗虧其金彌縫之及事解而兩家顧未之知也家設米肆道光六年大祲米翔貴如珠道殣相望他肆懼糴者難爲償均止貸培獨糴如常曰嗷嗷若此安所責見錢者聽糴者貸貸者磨集積數至五千金悉無力償其值踰年困稍蘇以索逋不亟鮮有償者因取簿與券悉焚之

行述

褚維培字子穎晚號悔廬適錕次子也附貢生以子成博官翰林院編修禮科掌印給事中累封奉直中憲大夫咸豐十年粵匪逼湖州錢塘知縣李桓守餘杭北鄉維培勸

光緒餘杭縣志

卷

檀嚴扼獨松百丈幽嶺三關而以武康上陌鎮槲子嶺徑通省城憂其無備俄而賊果由此襲陷杭州官民死者數十萬提督張玉良來援賊棄城走杭人晏然相慶維培謂杭地豐衍賊未大創去必復來乃舉家避之上海無何杭餘再陷焚戮更酷於前而維培合門竟無恙海市大開東南都會競於繁麗後進少年號召徒黨創平權合種悖誕之論以爲可致富強維培謂國家之敗惟篤彝倫屏邪說可以拯之今不探本原剽竊游談朋黨相激則致亂之道也居恒論及以爲深憂戊戌庚子之間禍變迭起人乃思其言少時因母史氏多病廣學方書遂精醫術著醫學舉隅八卷自經兵革憤時憂國之念一寓諸詩有悔廬詩鈔

十八卷纂家譜八卷亂後居省城僦室窮巷無一刺入州府長吏就見者皆謝卻惟鄉邑利病則必懺悉陳說無回隱餘杭編保甲濬南湖設育嬰堂維培皆爲手定條格縝密詳明可垂久遠晚好相墓書徒步看山不藉扶掖光緒二十四年重游泮宮尋卒年七十有九子式枚撰墓表參子成憲等行狀次子成亮字叔寅又字孝謙廩生同治六年舉人十三年考取內閣中書引見被放光緒三年成進士患欬血未應殿試歸明年卒於家年三十三竟未得官士論惜之成亮讀書有特識生平無他嗜好惟以摛訪舊籍研析疑義爲至樂家貧授徒才足自給而所得善本書至百餘種丹黃讐校窮日夜讀之治經宗高郵王氏家法而力戒破碎穿

鑿言言 國朝諸大師創通聲音訓詁之學實事求是信足播元明以來之失矣然讀書所以致用也若第囿於聲訓而不進求義理是猶入室者扃鍵既啟而仍遁循戶外何由睹堂奧之祕適異方者精譯其語言而於政教風俗畧不加省雖徧通各國方言亦何益乎乃取通鑑通考二書爲主欲博究典章制度興衰治亂之原以推著於實效天不假年未竟厥志經說雜文存者僅三十餘篇有南谿詩集十卷與修畿輔通志事親能得歡心愛諸弟甚摯而教督如嚴師其避寇松江也爲參將崔萬清治書記值蘇州初復賊所遺貲貨山積萬清指一室所儲以贈堅卻不受時年甫十九已能厲志如此宗源瀚撰小傳參褚成博撰家傳

褚維屋字子方號訥庵運鯤四子也廩生捐納訓導咸豐十一年避寇上海謁江蘇巡撫李鴻章大加褒異命至章練塘周莊督徵軍賦尋糴糧江北振常鎮難民權角直釐捐上海餉捐松太六屬牙帖崇明典舖各捐所至必卹民剔弊保舉以知縣升用同治四年署理台州訓導受代後台州知府劉璈留辦善後事務天台仙居民以徵糧苛擾聚眾將爲變維屋承檄單車往諭之未至十里有持兵者數千人陽言奉迎意甚叵測維屋下車大聲曰爾輩本良民惑姦言禍將赤族我今隻身來爲爾輩身家計何糾眾持械爲有百餘人棄械跪曰此褚老師清官也吾等生矣維屋購首犯陳青混置諸法餘悉解散七年署理黃巖教諭兼權黃巖太平鹽釐海濱俗悍多不納課海盜又混迹其中維屋裁汰官役責成紳董繳課時爲宣講

聖諭設義學於松門石塘箬裏等處不數月賦倍於舊悍俗一變沿海斥鹵不利耕墾維屋爲築塘以禦鹹潮自松門至后峯互五百餘丈得腴田六百餘畝以其租充義塾經費及鄉會試路資十二年捐升同知分發直隸北河候補歷辦通州白河武清文安霸州香河寶坻永定河各隄工東光阜城交河振務光緒四年署理邢臺知縣時齊魯晉豫並饑流民就食者眾維屋盡力振撫建自新所聽審所於署旁躬往巡察編覈人戶區爲三等不安分者別編之東鄉有生員控族人刃傷其父維屋微哂曰致爾父傷者爾也

生色變窮詰知生與族人婦私族人欲殺之值生他出誤傷其父蓋清查保甲時早識生之無行也創建節孝祠歲時致祭禁種罌粟修濬河梁替年百廢具舉年餘受代保升知府六年卒於天津年五十九有訥菴遺稿孫德明校錄棊行維屋孝友誠直見義勇爲與兄維培同居愛敬白首不渝避寇上海時饗殮不繼而戚友來投者收養資送以百數計子成煒等行狀長子成煒字敦伯廩生選授永嘉訓導光緒十五年大水單車赴玉環永嘉給振海汭窮島足迹靡不至十六年丁母憂歸踰二年山西口外七廳災直隸總督李鴻章令成煒往振荒漠編審無銖黍紊濫又振直隸武清東安疏蜈蚣河嗣京畿大水順天府尹陳彝奏留辦振以弟疾亟歸而府尹書迭至有敬爲萬民請命語卽日戒行道徑天津適海溢給資播種歲轉稔又振撫甯畿南遘疾道卒陳彝疏聞

光緒餘杭縣志稿 卷

諭贈國子監助教譚廷獻撰家傳次子成信字和仲附生捐納通判分

發福建候補以母老病告歸光緒十五年奉大吏檄周歷餘杭四鄉查戶給振請設平糶局民賴以安嘗言救荒僅濟急一時安民之道教養爲先水利者養民之本保甲者教民之本餘杭南湖爲杭嘉湖三府水利所關淤塞百餘年待濬孔亟大吏入告發巨帑十一萬以工代賑濬湖培堤築壩並濬木竹河刷南渠河濁流皆成信董其役工蕝以羨金七千餘存典生息爲歲修費竟以是積勞成疾卒



狀行

姚本智字子因生員淡泊寡營好為山水游嘗就傅石波學使之聘歷嶺南江右所至輒紀以詩尤工隸書

杭郡詩三輯

孫堯錕字飛泉監生少孤母王庶母鄭以紡績為生衣食恒不給堯錕乃懋遷蘇常間生事祭葬得如禮姊一弟妹四婚嫁贍養獨任之友愛無異同母晚年家稍裕舍棺施藥捐租靡善不為鄉鄰稱貸無吝色尤睦親族年六十戚友將稱慶固辭約逋負者焚其券曰吾以自壽也歲游飢設肆平糶者累年咸豐丁巳土匪胡萬成謀逆其黨入市輒挺刃尋讐獨不及堯錕肆庚申粵匪將至城鄉罷市官軍無所得食大譁知縣蔣鳳祥詣堯錕謀乃出米充軍饗

光緒餘杭縣志稿

卷一

八

月給數百石軍民始安辛酉城陷鄉人貧不能自存者資助之或挈以偕行

金保泰撰傳

朱光徽字繡甫咸豐二年進士性穎異讀書過目成誦少年跌宕才氣邁倫從戎皖北勝保聘司記室奏議軍書多出其手名噪一時歿於軍營所著詩文集醫學彙鈔燬於

兵燹

杭郡詩三輯

張敬生字吉人父方毅有隱德每晨具食恣乞者取攜敬生成豐二年中式貢士聞南方亂耗榜未放先歸省親六年補應殿試授戶部雲南司主事升員外郎才識開敏上官器賞之庚申方迎養其父京師而粵匪入浙弟炳生奎生皆家居乞親友訪求資送北上有哭第寅生詩尤徵友

愛耽吟詠好賓客嘗選歷代詩手鈔成卷尤嗜少陵義山  
兩家鄉人入都者恒主其家宦境雖貧供張畢具李燧會  
試時病疫敬生爲躬治醫藥歿爲經紀其喪未幾已疾篤  
或謂由李傳染弗悔也李之族俞氏夫死難無所歸敬生  
迎置於家至今猶與敬生妻汪氏同居著有虎林山館詩  
存汪氏以才德聞亦能詩

孫樹義  
撰傳

姚清祺元名乾高字鳳泉祖亮祖乾隆四十五年舉人父  
光弼生員清祺生有異質秉父訓自力於學伯父庶吉士  
憲曾甚器賞之咸豐五年鄉舉第一十年成進士改庶吉  
士同治四年散館授安徽銅陵知縣縣瀕大江田廬率遭  
淹沒清祺督修江隄費省工堅終其任無水患寇亂後士

光緒餘杭縣志稿

卷

習弁陋誨之學如嚴師十年調補合肥知縣合肥多巨室  
夙號難治清祺寬猛兼施庶政畢舉兩充鄉試同考官得  
士稱盛光緒元年以母憂歸服闋不再出怡情文史儉素

如寒儒十六年卒於家

朱啟鳳  
撰傳

李祿來字少伯歲貢生父錫乾隆四十八年舉人歷官福  
建長樂彰化知縣民頌其仁祿來僑居錢塘安貧讀書夙  
期用世粵寇起撰鄉團論堅壁清野議謂集鄉團則可省  
徵調而人自保身家惟須得人董之浙江米貴與嚴州洪  
自含籌民食刊區田說示人浙西水源來自天目而餘杭  
南湖實滙之以資蓄洩湖久塞祿來撰南湖水利畧陳當  
事布政司汪本銓遣之親往相度會病去不果濬咸豐十

一年杭城再被圍糧盡隨陷祿來率團勇禦賊腰中刃罵益厲再刃乃絕妻柯氏呼號求死賊斫之長子縣學生焜妻胡氏投井死次子忻字子權廩生幼承父訓博雅工詩寇至時以游學得免攻苦力學誓取科名以申父志攫疾

遽卒

參忠義錄杭郡詩三輯

顧文澄字星湄歲貢生爲文得古大家義法年十七受知於學使朱文正公珪工篆隸書通醫術授徒數十年成就後學甚眾著有蘋香秋館存稿

杭郡詩三輯參采訪冊

邵鏡字

拔貢生兩淮候補鹽經歷咸豐三年督勇守

揚州二月二十三日城陷全家殉難子懋績

賜卹雲騎尉世職

縣冊

光緒餘杭縣志稿

卷

章天森字雲書生員咸豐十年粵賊陷杭州天森避南鄉提督張玉良援兵至賊由開林埠遁天森猝與遇投河死族子生員樞字次垣六月十九日賊復至遇於薛君陡門樞老不能疾行立樹下賊刺之倚樹而僵掠其子周熊去周熊婦王氏聞變歎曰舅死夫掠何生爲以幼子屬其姑曰姑可無死婦齒弱不死必被辱遂投於河

忠義錄

章錦字目山廩生捐資爲訓導改鹽運司經歷咸豐十年十月十九日遇粵匪於湖壩欲掠之去錦執手罵曰鼠輩敢爾生不能殺汝死當啖汝肉賊怒刃之從子生員祖洛字莘農咸豐十年六月十九日與姪如潮字曼生同被賊掠祖洛不從死次日賊去脅如潮行卧地不應賊烙其兩

股復斫之額落咽斷數日死

忠義錄

郎兆元字健菴未十齡喪母徒跣哭踊水漿不入口者數日未冠又喪父善事繼母妹一弱弟一繼母出母多疾病兆元仰承慈意一衣一食必絕少分甘婚嫁井井不貽母氏憂弟早世孤子幼女撫卹備至遇義舉解囊無吝色

褚運

鯤撰傳參郎氏家乘

錢在璜字尹溪生員讀書有大志通兵畧家北鄉與張鶴羣辦團練行保甲一遵呂新吾居鄉之法咸豐丁巳粵匪勢漸逼土匪胡萬成乘機竊發在璜與鶴羣設購禽之亂

遂定

杭郡詩三輯

高甲林字東來生員候選訓導聰慧工書畫咸豐丁巳偕

光緒餘杭縣志稿

張鶴羣錢在璜團練鄉勇禦土匪胡萬成因而伏法保全

桑梓人皆德之

杭郡詩三輯

盛惠烽字堯天時球孫名棠子少孤好讀書事母孝待兄弟尤極友愛咸豐十年糾同志團練保衛鄉里時流民潰卒日夕踵至眾欲盡殺之獨察其非賊悉縱遣俄而賊大至所練壯丁欲拒賊則日以孤雛搯虎狼益激其殺戮耳眾始避去同治元年閑林賊退踞省城乃自間道歸謁統兵官康公國器曰閑林爲省城運道奈何令游卒肆擾以搖人心康韙之授令箭一親兵四俾招流亡禁暴畧轉運之事悉委之尋與知縣某牴牾蔣公果敏召問論事有條理爲易縣令由是得竟其設施浙江平左公文襄欲薦於

朝辭曰生長窮鄉行年六十身經大亂復見中興得歸農畝以樂餘年受賜多矣乃止生平喜急人之急自奉儉約戚友匱乏者輒周助之不少吝性和易言笑不苟有忿鬪者能以一言釋其爭嘗欲助寒士膏火而力未逮四子中書科中書起遵遺命積館穀洋銀二千員於光緒二十四年助入龜山書院長官爲詳請

旌表二十五年九月二十八日奉

旨給與樂善好施字樣建坊如例

褚成博撰  
傳參縣冊

孫家治字順菴監生事父至孝避寇石門而父歿殯斂悉如禮烽火中奉喪歸葬躬執畚築屢瀕於危葬畢携親舊轉徙上海鄉人有稱貸者靡不立應多不記其姓名少嗜

光緒餘杭縣志稿

學以父老獨營家事無人分勞遂棄書服賈同縣汪元方爲援例捐按經歷恥不以科第進不就寇平歸居省城久之忽仰天歎曰災象見矣來年必大無乃釀金反里糴米萬餘石踰年歲果饑視糴爲糶人賴以安嗣是每歲行之閱十年家遂中落性質直忼爽居鄉不爲媿媿之行遇事侃侃辨論驟聆之幾不能受徐繹之皆歎服門以內肅如也家祠燬於兵力謀建復規模粗具未及觀成而卒年七十有二

俞樾  
撰傳

章濬字楞香廩生屢試優等道光己酉拔萃科將入選時家素封以忌者讒言遽歸不應試鄉闈七薦不售泊如也同治初左文襄督師至閑林鎮濬獻地圖并陳善後策頗

見用先是濬祖均捐田千畝建義莊燹後券冊盡燬濬悉心鉤稽得七百餘畝規復之家譜宗祠以次修輯凡勘荒修塘均實事求是晚年猶與耆老規畫東鄉水利無稍倦生平長於醫爲人治病輒效服則以詩自娛

兩浙輶軒續錄參行述

沈賦詩字吟伯父皋鶴以孝聞祖母徐氏年九十三皋鶴孺慕色養不少衰里中善舉如修瓦窰塘建惜字會皆實事求是不辭勞怨咸豐庚辛間寇亂戚友乞貸者恒仗助之自奉母走處州崎嶇萬山中恒負以行寇平家中落賦詩屢應鄉試不售捐納府同知赴湖北候補大府知其諳條約嫻辭令使典江漢關記室外交書牘詳審精密三十年無僨事歷任關道倚如左右手累保補缺後以知府用

光緒餘杭縣志稿

所得官縞悉以奉其親皋鶴乃得以餘貲修宗譜繕祠堂

賦詩旣丁父憂友愛尤摯推財兄弟不以入己

孫樹禮撰傳

宋錦鄂元名錦嶽字小宋生員工詩善楷書死難於南鄉

栗樹村

杭郡詩三輯

李灼字明齋生員沈毅正直有古君子風咸豐十年春賊陷杭州經獨松關灼家黃河鎮距關密邇灼舉家避山中賊至掠灼去守之嚴劫以同行灼度不能脫過孝豐某嶺

乘閒下投於溪

褚成亮撰傳

藝文

舊志藝文率立小傳今之采訪皆畧年代字亦不詳謹就所知存之

章昶字旦侯生平好遊足跡半天下舊志稱著有北遊草

今考又著履思堂遊記

黃玉錕字古漁增生著桑梓見聞記采訪冊

董庭鐸字覺斯著正誼堂集杭郡詩輯

楊鴻達字蓬峯監生著亦寄軒文集四十卷垂露庵雜記

八卷

嚴垣煇子箸武雲書屋詩

楊興國字芷庵箸愛日堂集

光緒餘杭縣志稿

盛棠箸也足軒集

盛德炳箸耕餘詩稿

潘詩棟邑諸生箸紅豆莊詩稿

沈日掄任直隸安平縣押解駝米作萬里長征記

沈塘箸修竹居遺稿四卷

嚴燕箸小爾雅疏證蜀石經殘本毛詩攷證

李祿來箸南湖水利畧

嚴曾業箸閩仙吟稿四卷

高炳煦庠生箸紫桐花館詩鈔

章柱天 鮑覺庭 沈卜子箸燕山唱和集

楊家龍 恩貢生箸沆雲樓文集十六卷雲垞詩話二十

四卷兩草堂解經錄八卷天倫樂事八卷浣雲樓詩集

卷

張敬生成豐壬子進士戶部員外郎著虎林山館詩存

褚維壇字爽齋咸豐辛亥 恩科舉人著人境結廬詩集

何喜選青田教諭輯青田縣志

王鼎詩庠生箸刼餘存稿

章濬字翰香廩貢生候選知縣箸春風草廬贖稿

郎璟歲貢生箸寄生草

褚成彥廩貢生箸漁隱居吟草

褚成亮光緒丁丑進士箸校經室遺集

吳懋祺字鶴舫光緒壬午舉人定海縣訓導箸一芝草堂



祥異

道光二十一年十一月大雪丈餘屋圯無算府志

咸豐十年粵匪告警鬼哭徧野淫戮焚掠踰年始平采訪錄

同治十二年五月雷擊邑署照牆通濟橋城樓雨血府志

光緒二年五月夜有紙妖四出為祟居民鳴鉦以禦之自

夏至秋鉦聲達旦數月始息采訪錄

八年二月雷擊邑署大堂府志

五月民家豕生白象府志

二十四年四月民家沈姓蠶織白帽洋商以重價購之傳

至彼國詫為奇觀采訪錄

方外

陳陽復原名去非字翼庭樵雲其號也湖郡荻港人早歲從事十六觀經大有所得辭婚不娶年十七出游名山川二十五歸自粵西禮隆岩師於雲巢紫光梵斗日夜虔禮甘露屢降輕雲師授以律宗師自是深加韜晦謂衣重裘於烈日之下披單葛於風雪之途皆顯異羽流所向未能以無我爲宗且事干律戒不可訓也至如假衣推食拔難救災雖分內事苟不素其位而行鮮有不爲所困者乾隆乙巳主席南湖三元宮是歲大旱延師虔禱應聲雨下一日苗盡蘇二日霑足三日河道通邑宰議旌之師曰某所恃者爲民父母者之誠邑人士之福也某何功焉是秋九

光緒餘杭縣志稿

月危坐而逝目光不落體出異香月餘乃泯里人爲立祠

塑像於三元宮側金蓋心鏡嘉慶二年餘邑大水湖隄將決邑

宰張鳳鸞至其祠師像忽躍出離座丈許浮水面移時牆崩水退像無少損張感其神後張吉安來宰是邑始爲堂以祀且置田焉禱病求方尤著靈異新訪冊

與楷字鳳翔號補雲餘杭周氏子感靈鳥來集而生九齡瘠甚母戲曰兒若是何以成丁師如寐初覺祝髮鄰庵茹素習苦一歲疾瘥嘉慶甲子飛錫雲棲時宗風闐寂殫力九年歸蓮鉅萬旣而鬱攸不戒師欲躍身赤燖眾挽而止

上感

睿廟賜帑五百金

敕命重興又以梵教寢衰詣京請頒大藏並重梓蓮祖法彙一時

士夫爭相皈依道光二十三年示寂世壽七十有四吳敬義撰

塔銘

澈塵慈谿王氏子祖上英精歧黃術徹塵朝夕侍從錄經  
驗方及製藥秘法成帙年十九就稽留山石雲禪院鬚染  
參大乘經典貫串心學醫學嘗謂治病先治心以我心印  
人心心心相印調和六氣洞徹五臟生死關頭乃了然指  
下五十年出其家法以活人不受直錢唐俞文節嘗攜孫  
就診應手輒效平湖柯汝霖亦就山齋養痾皆爲撰石雲  
選祕序仁和陳豪母病嘔諸醫罔效依所選祕方服五十

日病良已惜劫後板燬僅存孤本孫樹禮撰

光緒餘杭縣志稿

列女

孫希士妻董氏年十八守節繼子毓珍卒年六十一

按嘉慶十五年 旌册有孫佩先妻董氏是否即此人不

可知姑識此以備考

孫尙爵妻董氏年二十二寡繼子邦基卒年六十二 已上

嘉慶十七年

旌 已上孫氏家乘

郎洽恭妻喻氏夫病願以身代歿慟絕者再事舅姑生養死

葬撫子延師授室皆侍十指守節五十一年卒年七十九

嘉慶二十一年

旌 郎氏家乘

俞文林妻路氏姑程亦守節氏年二十七寡撫子天水成立

光緒餘杭縣志稿

卷

卒年七十三

孫邦瑞妻吳氏孫志賢妻許氏邦瑞為尙德子吳年二十五

邦瑞卒撫子志賢娶婦許許年三十二寡哀毀遽卒距志

賢死十有六日吳卒年五十三光緒十年補

旌 孫氏家乘

翁介石妻陳氏嫁四年而寡痛不欲生以上有舅姑下冀遺

腹生男含哀視殮閱五月子振常生氏泣曰未亡人責蒸

重矣遂竭力為事畜計苦節終身

王浩然繼妻吳氏年二十八寡姑老且病常在牀褥孝養不

衰撫前室女如己出及笄以負郭田嫁之卒年七十七

己上道光十三年

旌 王氏家乘

童學仁妻沈氏幼秉庭訓曲順親心年二十三寡撫教遺腹

子成立

周禹倫妻鮑氏性賢淑敬相夫子年二十九寡 旌年六十  
己上道光二十四年 旌

黃元福妻嚴氏黃在中妻鮑氏嚴年二十九寡卒年七十二  
事舅姑三年撫子在中成立鮑年二十六寡卒年七十八  
事舅姑二十八年

郎應椿妻壽氏妾某氏或云馮姓壽年二十六寡訪年六十  
二事舅姑七年子鈺妾年二十一守節無子訪年五十七  
鮑侶蘭妻黃氏鮑本洵妻姚氏黃年十七嫁未及期而寡慟  
絕者再舅諭之曰汝幸有身若男也汝夫爲不死矣氏矍  
然稍斂哀不二月本洵生撫教遊庠授室姚氏本洵以羸

光緒餘杭縣志稿

卷

疾卒姚年二十七黃哀痛不食者數日顧視姚方盛年乃  
掩袂泣曰此非吾死時也由是姑婦交勵苦節居無何同  
居不戒於火黃登樓亟下而梯已焚幾無生理自烈燄中  
突出僅焦其髮人謂節孝所感年七十族黨欲請 旌固  
卻之卒年近八旬姚訪年六十一

邵光煥繼妻高氏年三十夫故卒年七十二事舅姑十七年  
繼子雲龍

徐錫田妻蔣氏年二十九寡卒年四十九事舅姑十三年子  
朝貴

魏可嘉妻邵氏年二十四寡卒年五十一事舅姑二十三年  
子紹基

章學古妻景氏年二十九寡卒年八十二事舅姑十六年子  
鉦

鮑樹椿妻姚氏年二十夫故卒年四十八事舅姑十六年子  
俊三

姚慶曾妻董氏年二十九寡卒年四十四事舅姑十四年子  
臻

姚崑山妻金氏年三十夫故卒年八十二事舅姑三十年子  
三

姚孝祖妻陳氏年二十九寡卒年五十一事舅姑二十三年  
子愷曾

陳聖謨妻胡氏年二十八寡卒年六十三事舅姑五年繼子  
光緒餘杭縣志稿

卷

福林

張啟運妻章氏年二十五寡卒年五十六事舅姑三十二年  
子書紳

楊銳繼妻陳氏年二十六寡卒年四十九事舅姑十三年繼  
子觀寶

張時茂妻葉氏年二十六寡卒年五十九事舅姑十三年子  
之雲

阮人望妻陸氏年二十八寡卒年五十七事舅姑九年子文  
溥

周斯陶妻方氏年三十夫故卒年八十五子敬堂  
盛時璠妻蔡氏年二十八寡卒年八十事舅姑十年子果

盛名槐妻鮑氏年二十八寡卒年七十四事舅姑九年子惠  
端

葉有玉妻單氏年十八夫故卒年二十九遺腹子二

楊瑞福妻張氏年二十五寡卒年三十五事舅姑十一年子

德培

吳銘妻葉氏年三十夫故卒年四十六子之茂之荅

蔣堂繼妻楊氏年二十九寡卒年七十事舅姑九年子鷓

楊惠蒼妻聞氏年三十夫故卒年八十一繼子萬釗

鮑曰高妻戴氏年二十八寡卒年七十二

倪在珍妻高氏年二十三寡卒年五十五事舅姑二十七年

何樂初妻胡氏年二十三寡卒年五十五

光緒餘杭縣志稿

卷

楊振德妻孫氏年二十夫故卒年七十三繼子鏹

鮑文潘妻楊氏年二十三嫁是年夫故卒年六十五事舅姑

十六年繼子樹椿

張溱妻盛氏年二十五寡卒年六十繼子岳

張淮妻宇文氏年二十九寡卒年四十七子崙

嚴嘉栗妻李氏年二十一寡卒年六十事舅姑二十八年

黃燧妾姚氏年三十守節卒年九十二子學

吳陵臺妻嚴氏年二十一嫁當年夫故卒年六十九事舅姑

凡三十年繼子景熊

魯湖妻程氏年二十五寡卒年四十事舅姑三年子林鶴

丁有恆妻陳氏年二十九寡訪年五十八事舅姑二十六年

子裕金鎔金嘉金

丁有望妻周氏年二十七寡訪年五十二事舅姑二十二年子遇金

邵鈞妻蔡氏年三十夫故訪年五十二事舅姑十二年子瀛盛治南繼妻李氏年二十八寡訪年六十四事舅姑十二年

子維凝

祝肇楷妻錢氏年十九夫故訪年五十二繼子景福

姚玉林妻邵氏年二十七寡訪年六十二繼子紹筵

王春泉妻孫氏年二十五寡訪年五十一子朝奎

黃曙輝妻張氏年二十八寡訪年五十一事舅姑六年繼子

光緒餘杭縣志稿

卷

董榮綬妻何氏年二十八寡訪年五十事舅姑二十一年子

陳維燠妻姚氏年二十八寡訪年六十二子銳鏌

褚運鯉妻章氏年二十八寡訪年七十事舅姑三十三年子

維城維壟

章鈺妻倪氏年二十九寡訪年八十事舅姑三十四年子蘭芝

潘敏中妻沈氏年二十四寡訪年五十六事舅姑二十五年

遺腹子祖望

吳文睿繼妻郎氏年二十九寡訪年五十五事舅姑七年子

餘周



朱泰熙妻沈氏年二十七寡訪年五十八事舅姑二十二年子肇基

鮑瑞良妻董氏年二十五寡訪年七十一事舅姑十年子樹

邵青錢繼妻姚氏年二十九寡訪年六十四事舅姑五年子家坤

陳嘉辰妻姚氏年二十六寡訪年六十二子希曾

何起鳳妻葛氏年二十五寡訪年六十八繼子一

吳燮和妻郭氏年二十六寡訪年五十六

范壘妻洪氏年二十五寡訪年五十一繼子一

黃神錕妻張氏年二十一寡訪年五十一子一

光緒餘杭縣志稿

卷

黃運昌繼妻朱氏年二十五寡訪年五十一子錫朝

沈淇亨妻洪氏年三十夫故訪年七十事舅姑十二年子嗣

培

鮑源妻張氏年三十夫故訪年五十四事舅姑十一年子仁

通

楊攀龍妻宇文氏年二十四寡訪年六十七事舅姑三年繼

子一

胡玉嶠繼妻徐氏年二十九寡訪年五十四子二

洪定邦妻楊氏年二十二寡訪年五十二事舅姑三年

鮑洽妻楊氏年三十夫故訪年五十五子一

洪鑑妾孫氏年三十守節訪年六十繼子學韓

潘殿紳妻李氏年二十二寡孝事舅姑卒年六十一子龍官  
姚步雲妻丁氏年三十夫故訪年六十事舅姑十一年子德  
榮

施德昌妻吳氏年二十夫故訪年五十繼子炳照

葉道隆妻孫氏年二十三寡訪年六十八子庭桂庭槐

朱應爵妻吳氏年二十五寡訪年六十事舅姑七年  
己上杭郡節孝錄

高宇培妻楊氏年二十三寡撫繼子森書成立森書迭喪偶

家貧紡績撫孫高鵬  
龍述

孫國元妻許氏年二十七寡苦節終身 己上道光三十年

旌孫氏  
家乘

光緒餘杭縣志稿

卷

翁兆芝妻王氏年十八夫故靜居一室茹素終身卒年五十

四道光年 旌翁氏  
家乘

吳思榮妻高氏生有淑德少失怙恃而閨教自嫻其嫻亦節

母聞其賢命嗣子蔭棠委禽焉年十七來歸恭勤以奉姑

婉順以事夫慈明以御眾數舉子不育復舉一女姑望孫

方殷而蔭棠嬰暑疾竟歿氏年二十九娠將及月控天之

懷綿祚之衷縈繞忍緩其不欲獨生不敢遽死之境見者

聞者爲之唏噓欲絕越十四日鼎彝免於懷墜地一聲淚

湧氣至死生斷絕之際姑疾聲呼曰婦不容死矣兩世一

孤在婦以一髮引千鈞耳婦生則姑與呱呱者俱生汝夫

猶不死也氏矍然甦而受命自是衰而調羹則制淚以博

笑鬢而乳哺則齧藥以釀甘一綫之延盟於九幽矣亡何姑告終附身附棺必慎必備醊奠之禮哀戚之容見者聞者又爲之唏噓欲絕鼎彝長爲擇師課讀陳先代之隱德重慈之堅操鼎彝遂噩沒於學年十七受知宗工爲高才生學優品端拔乎流俗氏年踰六十大吏按事實達部旌如例董榮名撰傳今孫曾林立科第接踵以孫景祺貴 誥封太夫人

董燮和妻章氏年二十九寡苦節終身節孝祠題名

章啟昆妻馬氏 欽旌節孝章氏家乘

郎義行妻胡氏年十八夫故題請 旌表

郎國球妻吳氏年十八夫故卒年六十九題 旌入女貞祠

光緒餘杭縣志稿 卷

己上郎氏家乘

金仁爵妻周氏咸豐元年 旌閩督署册

按閩册言是年餘杭共 旌十五人不詳載姓氏已遺佚不可考矣

褚運鯉繼妻孫氏年三十夫故卒年七十四咸豐三年 旌

褚成偉述

喻氏夫姓名未詳咸豐六年 旌縣署册

按餘杭縣册有咸豐六年 旌表喻氏等并義僕許來發共五十七口今均湮沒矣

蔡科芳妻宋氏年三十夫故卒年六十七

鮑宸銘妻姚氏年三十夫故卒年四十二

孫蓮妻張氏年二十六寡 旌年五十二

王椿元妻胡氏年二十八寡 旌年五十一

沈進士妻壽氏年二十七寡 旌年六十九

阮汝爲妻壽氏年二十三寡 旌年五十七

葉鳳林妻李氏年二十八寡 旌年七十一

孫玉瑞妻盛氏年二十八寡 旌年六十三 己上咸豐九

年 旌

章典妻蔡氏典中乾隆甲寅舉人早世氏年二十八撫子復

綺復純復綦成立壽八十三咸豐年 旌

張氏適錢塘丁逢源年三十而寡撫子莘滄成立糟糠不厭

苦節終身卒年八十一同治十年 旌

光緒餘杭縣志稿

卷

女

王家堂妻楊氏年三十夫亡孝舅姑撫子作鼎成立卒年六

十

葉培妻洪氏年二十九寡無子苦節堅貞卒年四十

高以言妻王氏年二十九寡孝舅姑撫嗣子福鼎成立卒年

四十七

胡宗海妻李氏年二十七寡謹事孀姑苦節終身卒年四十

二嗣子允宜

陸榮增妻蔡氏年二十一寡苦節三十年嗣子永貞

史樂義妻蔡氏年二十八寡事姑孝撫子積汾成立卒年六

十三

沈明有妻王氏年二十九寡仰事俯育苦節十三年子宏璣

吳以燮妻姚氏年二十二寡撫子先聲苦節十一年

盛時璵妻陳氏年二十三寡奉姑承志撫子名林成立卒年

六十一

潘龍官妻陳氏年二十六寡無子孝事孀姑兩世清操里郃

欽之苦節二十七年

盛德燃妻魏氏年二十一寡敬事舅姑撫子堦成立卒年五

十四

盛時瑤妻沈氏盛名梧妻陸氏沈年二十五寡忍哀事姑撫

子名梧成立卒年三十五陸年二十九寡撫子德燿成立

苦節三十三年

盛堅妻吳氏年二十八寡孝養舅姑撫子福成立卒年三十

光緒餘杭縣志稿

卷

八

盛名杞妻金氏年二十七寡孝舅姑撫子惠勳惠耀惠輝成

立卒年六十一

盛名校妻吳氏年二十三寡善事衰姑教子惠熊以義方卒

年八十三

盛惠恮妻蔡氏年二十五寡孝舅姑撫子堦成立卒年五十

七

盛惠顯妻許氏年三十夫故撫子生成立卒年五十一

盛朝績妻喻氏年二十九寡孝姑撫子時琮成立卒年六十

二

盛惠耀妻沈氏年二十四寡孝事孀姑撫子堦成立卒年八

十九

盛時球妻邵氏年二十六寡事姑謹教子名楚名棠以義方  
卒年七十二

姚懿曾繼妻宋氏年二十五寡事姑得歡心撫嗣子爵高如  
己出卒年五十七

張寅生妻吳氏年二十八寡無子孝養舅姑苦節十五年  
周明玉妻朱氏年二十二寡無子堅持苦節卒年四十

潘曾培妻吳氏年二十五寡事舅孝卒年三十七子承祖  
褚維堡妻王氏年二十四寡孝舅姑撫嗣子成裕如己出卒  
年四十二

史積垠妻鄭氏年二十九寡無子事姑謹苦節二十五年

史福善妻倪氏年二十九寡茹苦事姑卒年七十八

俞振海妻胡氏年二十五寡孝姑育子卒年四十五

史勇義妻郭氏年二十七寡無子忍死事姑卒年七十八

史積堅妻陳氏年二十五寡事姑盡禮教子進善極嚴卒年

三十七

史楹節妻章氏年二十七寡事姑謹撫子秉義和義成立卒  
年七十二

史慶善繼妻張氏年二十九寡撫子致高苦節十九年

徐烈三妻陸氏年三十夫故孝事舅姑撫子杰成立恃女紅

自給 旌年五十六

宇文錫達妻李氏年三十夫故事舅姑撫子懷珍成立 旌

年六十三

史積培繼妻潘氏年二十六寡撫子紀善 旌年五十三

胡宗一妻許氏年二十二寡事姑孝 旌年六十四嗣子允

和

黃靜江妻姚氏年二十四寡事舅孝撫子渭成立 旌年四

十九

李懷芳妻沈氏年十七嫁未踰年寡撫遺腹子文治備極艱

辛 旌年五十一

陳典五妾徐氏年二十五守節撫子拱辰甫成立殉粵匪難

氏益窮苦 旌年五十二

高以立妾許氏年二十二寡孝事舅姑 旌年五十四子福

光緒餘杭縣志稿

卷

鍾 己上同治十一年 旌

方啟蒸妻汪氏年二十三寡子殿行幼女紅自給苦志撫孤

同治十二年 旌訪年六十八

邵有仁妻甯氏年二十八寡無子事舅姑孝 旌年六十二

光緒元年 旌

俞彩慶妻李氏年十八夫故孝事舅姑苦節堅貞卒年二十

五光緒三年 旌

葉士宏妻蔡氏年二十六寡無子善事邁姑苦守清節 旌

年五十六光緒四年 旌

何錫章妻王氏年二十三寡無子勉事舅姑痛失所天終以

鬱死卒年二十八

沈鏡川妻邵氏年二十嫁數月而寡苦節自矢孝養舅姑  
旌年五十八 己上光緒五年 旌

黃光壽妻高氏年二十九寡孝事邁翁撫子咸達 旌年五

十二

唐浩妻朱氏年三十夫故無子孝養舅姑 旌年六十

姚文榮妻謝氏年二十二寡無子事舅孝 旌年五十九

己上光緒六年 旌

陳以懷妻梅氏年二十八寡孝事舅姑卒年七十五

孫志望妻李氏年二十七寡家貧苦節撫孤卒年六十一

按兩浙節孝錄作謝氏據徐志淵訪稱確姓李而烈婦孫  
志望妻李卒年又不符姑並誌之

光緒餘杭縣志稿

卷

梅啟杰繼妻施氏年二十四寡撫教嗣子坦墩俱殉難撫孫

祖培遊庠卒年六十九 己上光緒七年 旌

邵濤妻黃氏年二十七寡無子堅持苦節卒年五十四光緒

八年 旌

姚廷欽妻吳氏年二十九寡撫子成立 旌年五十

郎茂宇妻方氏年二十九寡一慟幾絕以遺孤二靡依且有

遺腹遂誓死守節教育成人

郎經訓妻夏氏年二十九寡誓以死殉姻亞環守不得竟其

志乃撫子成立卒年五十五

郎瑾妻童氏年二十六寡訪年五十九

郎佩妻胡氏年二十八寡訪年四十六

己上郎  
氏家乘



吳二渠妻陳氏年二十四寡撫子映槐成立訪年八十三

徐善增妾吳氏餘姚人年二十四寡子鍾恆甫晬侍鍼膏撫

教成立納婦董而鍾恆卒與媳同撫孫兆鏞訪年六十六

郎理繼妻周氏年二十適郎越四十日夫故誓以身殉以孀

姑在堂前室女靡所依遂事姑終老為姑及夫營葬遣嫁

兩女歸依母家卒年三十九

已上孫承治述

陳炳耀妻俞氏年二十三寡撫遺腹子坤元成立坤元早卒

復撫孫位西卒年七十四

孫樹仁述

駱福元妻朱氏年二十夫故慟絕數四以姑在苦志守節有

動以浮言者厲色卻之躬親紡績敬養適姑睦妯娌鄉鄰

賢之子一不育卒年三十八

馬禮述

光緒餘杭縣志

卷

章復純妻姜氏家故貧氏織紵相夫事姑孝年二十七寡子

樂甫晬仰事俯育勤苦無怨色守節五十四年

章炳森述

李永清妻沈氏年十九夫故姑以家貧欲嫁之氏矢志不二

傭工養姑撫三歲孤錫寶成立卒年四十九

高樹蘭妻俞氏年二十九寡姑哭子喪明氏多方慰藉撫子

鵠猷成立粵逆脅之去氏慟哭不食死時年五十三

趙基坤妻繆氏年二十五寡家貧竭力養姑訪年五十九女

一守貞不字

董錫疇繼妻吳氏夫病革刲股不效時年二十九無子事姑

不懈訪年六十四

董基慶妻許氏年十九夫故無子訪年六十一

鮑廷諤妻方氏年二十七寡事舅姑謹子辰先卒撫三孫成

立訪年六十三 已上高 鴻釐述

姚尙高妻李氏年三十夫故訪年五十

姚福高妻王氏年三十夫故訪年五十九

姚恭曾妾何氏年二十五守節卒年五十四

馬萬年妻吳氏年二十二寡訪年五十二 已上姚 清祺述

何翊清妻沈氏年二十七寡卒年七十餘

何椿齡妻胡氏年十九夫故苦節終身 已上沈 國勳述

陳煥妻鮑氏年二十七寡卒年六十二

黃馮生妾王氏年二十六守節訪年五十四

吳坤恆妻高氏年二十九寡訪年七十四無子

光緒餘杭縣志稿

管寶善妻鮑氏年三十夫故撫遺腹子以傳成立訪年四十

七

黃維清妻郎氏年二十七寡撫子成立訪年六十 已上孫 國治述

褚維城妻王氏年二十六寡卒年六十六

褚維基妻董氏年三十夫故卒年四十七 已上褚 成煒述

朱上賓妻沈氏年十九歸朱不三月而寡謹事舅姑卒年三

十五繼子福履 李紹 柱述

王肯培妻褚氏肯培少孤多病不治生計氏持家事姑宿逋

一清年二十八寡卒年三十九

王用彬妻費氏年二十七寡卒年三十八子美金

王家柱妻宋氏年二十六寡卒年五十六嗣子作哲

王堯天繼妻周氏年十九夫故卒年三十

王廷珍繼妻姚氏年二十九寡卒年三十七子錫昌己上王氏家乘

沈九宜妻蔡氏九宜卒一孤繼殤氏痛不欲生因尊嫜年老竭力奉養拮据遺嫁一女舅姑沒喪葬盡禮繼姪憲臣爲子服闋授室

盛超倫妻沈氏超倫力學成疾婚時扶掖成禮氏百計祈禱數請身代未百日而寡呼天者再呼母者三引翦自刺急救得不死房中設木主飲食必哭奠鄰里爲淚下戚串有慶事勿爲通所借唯一婢童僕無從見其顏色苦節十九年哀毀致疾卒己上沈氏家乘

董煜妻郁氏煜挾術遊京師家貧氏日夜紡績煜歿訃聞痛

光緒餘杭縣志稿

絕復甦曰旅櫬未歸一子誰撫何以見夫於地下乃粥簪珥浼親攜柩歸里經營喪葬教子成立守節三十餘年

董天樹妻盛氏董玉炯繼妻陳氏盛早寡苦節撫子玉炯成立又天陳亦守節

董燮昌妻陳氏撫三幼女遺嫁孤子未及婚配卒一生苦節自勵

董基亨繼妻鄭氏年三十夫故撫羅氏女如己出躬操井臼孝慈兼盡

董兆炎妻翁氏年三十三寡卒年六十九

董春芳妻周氏年二十八寡卒年三十

董天樞妻沈氏二十一寡卒年五十七

董宗琛妻沈氏年二十七寡卒年四十九己上董氏家乘

孫曰鏐妻潘氏年十九夫故卒年二十八

孫灝妻方氏年三十夫故卒年七十一子廷楫廷梅

孫錫鏞妻高氏年二十八寡卒年四十四子澄

孫錫鏞妻柴氏年十九夫故卒年二十八繼子湜

孫文璋妻朱氏年二十九寡卒年六十一繼子在璋

孫鏗妻婁氏年三十夫故越五十日以哀毀成疾遽卒繼子

學棋女一適何文彩殉粵匪難

孫其波妻趙氏年二十八寡卒年四十四子觀森觀樾

孫尚榮繼妻王氏盛年守節撫六子成立卒年七十

孫鳳梧繼妻姚氏年二十九寡繼子榮祥啟楹卒年三十己上

光緒餘杭縣志稿

孫氏家乘

董斌妻周氏年三十夫故苦節終身下同

金士秀妻許氏年二十九寡

章復纁妻俞氏年二十五寡

李澣妻黃氏年二十五寡

黃起熊妻田氏年二十五寡

楊德昌妻胡氏年十九夫故

沈穀成妻吳氏年二十八寡

沈協勳妻嚴氏年二十六寡

姚堃妻沈氏年二十九寡

方樹楠妻張氏年三十夫故

章鳳林妻陳氏年二十三寡

馬元通妻胡氏年二十八寡

黃志鎬妻丁氏年十九夫故

朱鎮邦妻盛氏妾章氏鎮邦卒盛年三十章年二十四

徐善徵妻朱氏年二十七寡

汪錫祿妻方氏年二十一寡

鮑榮華妻印氏年二十九寡

李懷慶妻姜氏年三十夫故

章鳴玉妻陳氏年二十夫故

魏型妻盛氏年二十八寡已上堅志集採訪冊

王麗堃妻孫氏年二十八寡撫子耀星成立又卒苦節二十

光緒餘杭縣志稿

三年 已上光緒十年 旌孫氏家乘

王朝選妻陳氏嫁數月而寡矢志守節孝事孀姑姑歿哀毀

逾恆立嗣承祧病不就醫守節十年卒

胡振鼎妻黃氏年十八夫故竭力事姑撫子光豪成立卒年

七十四 已上光緒十二年 旌

吳星齋妻葉氏窮子鮮依安貧苦守人欽其節

黃文松妻何氏青年守節矢志靡他

俞月輝妻黃氏年二十八寡孤苦靡依矢志不二訪年五十

六 已上光緒十五年 旌

鄭文榮繼妻沈氏性淑慎事姑疾兩載不離側鄉里以孝稱

年二十五寡子蘭甫五齡家貧無儋石儲質衣飾營殯殮

恃鍼帶撫孤篝燈夜課嘗泣謂蘭曰若祖若父皆績學汝不能讀書何以見先人於地下蘭自此學益勵庚子領鄉薦歷官至山東鹽運使氏猶蔬布不改恆素而戚族賴以舉火者數十家丙子邑大水出錢若干緡振飢民卒年八十五卒之前一年元孫振詩生巡撫楊爲奏報五世同堂並請旌表奉旨特賞錫光篤慶額給予綵緞銀兩

吳慶  
抵述

孫隆治妻張氏年二十二嫁踰年夫病百計醫禱適丁寇警流離轉徙中勤侍湯藥昕夕無倦夫歿氏年二十四慟不欲生時舅多方勸諭兄敬生在京供職復貽書慰勉遂忍死守志病時輒拒醫曰未亡人死則死耳何生爲子樹寬

光緒餘杭縣志稿

早卒旌年五十四

宋屏山妻袁氏年二十二寡無子篤志事姑家貧恃鍼帶供菽水訪年四十五

管省三妻沈氏年二十三寡勤紡績以奉舅甘旨無子訪年四十四

徐福昌妻沈氏年二十六寡謹事舅姑繼子紹鶴卒年四十六

沈松妻鮑氏年二十一寡無子歸依母方氏同守孀閨訪年四十一

鮑學潮繼妻張氏年三十夫故撫前室子福鏞如已出訪年四十六

俞禧慶妻姚氏年二十六寡無子訪年四十七

倪繼祥妻尤氏年二十六寡翁憐其年少無子氏曰夫一而

已誓以死守敬事邁翁訪年四十六

沈福卿繼妻洪氏年二十六寡訪年五十二

章有義妻吳氏年二十五寡事舅四年訪年六十五子姓早

卒

錢兆堂妻徐氏年二十五寡訪年五十四

鮑士倫妻張氏年二十二寡善事舅訪年六十九子清泉

程嘉玉妻陳氏年二十五寡善事舅姑訪年四十八

陳夢金妻阮氏年二十八寡善事舅姑訪年五十一繼子兆

乾

光緒餘杭縣志稿

方振先妻牧氏年二十二寡訪年四十七

胡先豪妻牧氏年二十四寡訪年四十七

胡先培妻黃氏年二十一寡訪年四十四

胡先湧妻金氏年二十七寡訪年五十子宗和

董翼妻葉氏年二十四寡訪年五十二

陳作棟繼妻黃氏年二十四寡訪年四十

孫家鶚妻俞氏年十九嫁未一月夫故卒年三十四

王文勳妻董氏年二十五寡訪年四十三

已上高鴻釐述

姚元鼎妻葉氏元鼎殉粵匪難氏年三十守節訪年五十二

丁遇金妻王氏年二十九寡撫子呈善成立訪年六十七

陳維則妻董氏年二十六寡訪年五十

王徽妻陸氏年三十夫故撫五子成立卒年六十一

王恆詩妻董氏年二十七寡抑鬱致病越三年卒子燕禮官

禮 已上孫承治述

姚起濤妻黃氏年二十九寡訪年五十八

馮愷繼母黃氏年二十七寡撫教前室子愷遊庠已上黃學淵述

按章炳森訪馮福潤繼妻黃氏年二十四嫁未兩旬寡撫

前室子愷如己出福潤兄嫂相繼逝復撫其子女為畢婚

嫁卒年五十五光緒十四年 旌當是一人

沈鳳生妻吳氏年二十七寡無子勤女紅自給訪年四十七

高以翼妻李氏年二十九寡訪年四十四子福鍾已上李紹桂述

許桂森妻黃氏苦節二十九年卒年四十八

光緒餘杭縣志稿

李增顯妻俞氏增顯遇賊不屈與母兄同死難氏年二十七

投河遇救不死募葬姑嫜及夫遺骸訪年五十五

陳有慶妻史氏年二十六寡訪年五十四事翁孝敬立志堅

貞 已上光緒十六年 旌

董瑞珍妻鮑氏年二十五寡撫子德懋成立訪年五十

朱廷棟妻鮑氏年二十六寡守節四十五年 已上光緒十

七年 旌

邵應全妻葉氏年二十七寡無子訪年七十光緒二十年

旌

董壽銘妻盛氏年三十夫故孝事舅姑勤苦撫孤卒年六十

二光緒二十一年 旌



陳海鼇妻吳氏年二十七寡冰霜勵志節孝兼盡訪年七十  
談人恭妻陳氏年二十八寡撫孤矢節白首彌堅訪年六十  
沈熙增妻陳氏年二十三寡矢節立嗣訪年五十六 已上  
光緒二十二年 旌

鮑徐珍妻陸氏年二十夫故苦節撫孤訪年五十五  
陳樹嘉妻沈氏年二十六寡訪年六十三 已上光緒二十  
三年 旌

李懷本妻王氏年二十九寡承順事親教子福袞遊庠福冕  
領乙亥鄉薦卒年六十三光緒二十四年 旌

陳有倫妻沈氏陳有光妻高氏沈年二十五寡撫姪上升爲  
嗣卒年五十高年二十四寡撫姪同升爲嗣卒年六十七

光緒餘杭縣志稿

時稱雙節光緒二十四年 題

陳學泉妻姚氏年二十夫故卒年七十四子有枋

陳有楹妻洪氏年三十夫故冰霜矢志卒年六十三子漢然  
陳燮理妻姚氏年二十九寡撫子文俊成立訪年六十

盛之壙妻陳氏年二十五夫殉粵寇難撫嗣子愛生歷盡艱  
苦訪年六十三 已上光緒二十五年 題

沈邦獻妻何氏尙書何文安公孫女幼嫻內則以孝稱習經  
史工書畫淑慎寡言孝事舅姑年二十六守節繼子家良  
孫彬皆親自督課先後遊庠卒年六十 封宜人

孫福堂妻王氏婚一年而寡時年二十二撫子數年又殤投  
河遇救不死苦節三十九年繼子樹成

徐文昭妻周氏年二十七寡子繩祖女二皆幼潔靜貞守躬  
操作以養舅姑畢婚嫁卒年七十

王福頤妻朱氏年三十夫故刻苦守節撫子廷翰成立訪年  
五十四

孫本善妻盛氏年三十夫故長齋四十餘年卒年七十五子  
景福

黃雄錕妻張氏年二十九寡卒年六十七

徐錦堂妻葉氏年二十八寡卒年六十五

俞篤慶妻朱氏年二十六寡卒年六十餘

黃東侯妻姚氏東侯殉辛酉難氏年二十九矢志守節訪年  
六十九

光緒餘杭縣志稿

女

黃用賓妻胡氏年二十九寡撫子開生成立授室又天與婦

徐氏共守孀閨訪年六十九

黃梅亭妻高氏年二十九寡撫子志耕成立訪年七十二

高以堂妻鄭氏年二十五寡日夕操作撫子榮經成立訪年

六十五

董學廉妻陳氏學廉殉粵匪難氏年二十一守節訪年五十

九己上徐  
志淵述

章縵生妻姚氏縵生殉粵匪難氏年二十六矢志守節今已

四十餘年

俞愛寶妻黃氏愛寶殉粵匪難氏年二十七守節至今已四  
十餘年

洪志高妻徐氏年二十六守節子孫殉粵匪難又撫姪曾孫  
祖堂爲後卒年七十

潘以德妻洪氏年二十一寡卒年五十八繼子有增

翁步青妻劉氏合卺之夕步青遽卒終身縞素撫姪成立

搖星海繼妻陳氏青年守節孝事舅姑撫子應龍應麒皆成  
立

翁幼越妻俞氏年二十二寡撫子騶孫成立卒年七十四已

北鄉采  
訪冊

孫錫申妻施氏年三十夫故卒年三十九

吳麟洲妻方氏年二十四寡遺女一無子誓不再適訪年八

十餘已上姚  
熙績述

光緒餘杭縣志

沈昌齡妻葛氏年十五夫故守節三十八年

賈乃和妻李氏年二十二寡守節四十二年

蔣聖高妻姚氏年二十三寡守節四十三年

章恩湛繼妻許氏年二十五寡訪年五十五

馮均妻搖氏年十七歸均七閱月而寡上事舅姑下撫遺腹

女長齋禮佛樂善好施卒年五十八已上章  
炳森述

董世榕妻某氏年二十五寡苦節終身下同

董作忠妻楊氏年二十九寡

董榮錦妻沈氏年二十八寡

董榮曾妻沈氏年二十六寡

董基宸妻許氏年十九夫故

董文溶妻李氏年三十而寡

董文淵妻某氏青年守節

董大成妻某氏董錫麟妻俞氏均年二十夫故

董錫麟妻許氏年二十二寡已上董氏家乘

盛廷國妻汪氏青年守節訪年七十四

丁逢次妻張氏疑卽丁逢源妻姑並存之已上縣册

章啟瑞妻倪氏年二十二寡子景勝生甫三月矢志養姑撫

孤成立守節三十餘年章氏家乘

翁偕妻何氏青年守節撫姪景新爲嗣翁氏家乘

孫麗照繼妻施氏年十七夫亡悲慟欲絕以姑老子甫周晬

仰事俯育苦節五十餘年孫氏家乘

光緒餘杭縣志稿

吳邃初妻董氏邃初服賈山左歿氏嫁甫六載無子撫夫兄

子標爲嗣踰年夫兄卒熒熒孤弱奉二樞南旋備嘗艱苦

數十年如一日卒年五十七奉 旨旌表

吳一泓妻俞氏年三十夫故守節三十四年咸豐八年 旌

吳標妻汪氏標奉母以孝稱氏事姑亦敬標病革時粵匪四

塞醫藥維艱氏割股進不效越五月匪虜至村人號泣奔

竄氏曰一弱女子去將安之遂詈賊殉節以子光煜貴

封恭人已上吳光煜述

孫佩先妻董氏 沈某妻章氏已上嘉慶十五年 旌

蔡龍光妻沈氏 蔣幹庭妻史氏 黃雲高妻蘇氏

丁民瞻妻周氏 汪元孝妻貝氏 許錫祚祖母孫氏

吳韞和妻張氏 沈明俊妻方氏 胡行健妻董氏

胡用周妻符氏 路椿妻童氏 邵錞妻蔡氏

鮑芬妻陸氏 陳贊廷妻蔣氏 金秉貴妻周氏

董廷俞妻邵氏 黃敬齋妻蔡氏 邵鏡妻張氏

高景崙妻范氏 高亮繼妻邵氏 鮑月枝妻高氏

俞必大妻勞氏 邵澹妻朱氏 邵鏞妻孫氏

邵良峯妻高氏 沈朱氏 阮陸氏 夫名均不詳 已上據節孝祠木主題名開載

事實均不詳

蔡姚明妻姚氏 訪冊自黃望雲妻王至

方見知妻章氏 見黃坑節孝坊道光十三年旌

董振繼妻楊氏 楊位天妻張氏 沈景濤妻吳氏

光緒餘杭縣志稿

趙維亨妻黃氏 汪元浩妻孫氏 孫起順妻張氏

管尙志妻吳氏 壽耀星妻朱氏 沈有耀繼妻欽氏

張漢儒妻章氏 曹履上妻董氏 孫邦本妻曹氏

錢在容妻盛氏 吳武承妻黃氏 梅以經妻葛氏

陳雲龍妻王氏 俞偉然妻黃氏 許振鼈妻章氏

許元忠妻孫氏 張魏文妻陳氏 方肇茂妻郎氏

余鶴山妻何氏 趙廷嵩妻程氏 張羣元妻章氏

張敦元妻楊氏 洪良坤妻李氏 孫繩祖妻章氏

程瑞宏妻倪氏 章怡妻王氏 李鏗妾高氏

章典妻沈氏 已上道光三十年旌冊

郎同椿妻馮氏 咸豐元年旌冊

方慶昌妻孫氏

翁陞妻沈氏

馬玉妻仲氏

翁汾妻周氏

翁偉妻岑氏

已上北鄉采訪冊

金之鼇妻俞氏

一統志

李士鈺妻楊氏

節孝額

吳黃氏

吳俞氏

吳氏

王茂昌妻高氏

王美章妻某氏

王勝章妻成氏

王貴玉妻雷氏

王一龍妻沈氏

王梅妻吳氏

王渭榮妻周氏

王宇明妻徐氏

王世德妻金氏

王世聖妻孫氏

王敬文妻張氏

王敬德妻吳氏

王文發妻陳氏

王永祥妻某氏

王明發妻鍾氏

王宗亨妻朱氏

王發林妻蔣氏

王鑽妻戴氏

孫城妻郎氏

孫在衡妻徐氏

孫兆庠妻鮑氏

光緒餘杭縣志稿

孫志高妻馮氏

孫望高妻關氏

孫浩繼妻程氏

孫廷榮妻沈氏

孫浣妻伊氏

孫錫璐妻吳氏

孫錫璋妻朱氏

孫浚妻陳氏

孫錫山妻邵氏

孫錫符妻王氏

孫錫錦妻蔡氏

孫錫珽妻劉氏

孫溥妻戴氏

孫起鯤妻朱氏

孫榮高妻李氏已上皆各姓家

譜青年守節發後無從查考者既已采入稿本毋庸過而存之

胡倬妻許氏年二十一寡撫嗣子元和成立守節五十八年

姚熙績述

盛福鎬妻蔣氏錢塘蔣村公孫女幼秉父晚香公教夙嫻

婦道于歸閑林盛族里黨咸稱之年三十五夫故含辛茹

苦冰霜自勵其勤苦謹慎無與倫比長齋三十年如一日

盛慶蕃述

徐孝女父煇仁母丁氏女守貞不字孺慕終身卒年五十一

杭郡節孝錄

黃孝女父楷道光二十九年學使趙光旌其門

堅志集采訪冊

張孝女名韞玉父廷模女以親老矢志守貞竭力奉養卒年

四十三 己上光緒十年 旌

孫孝女咸豐元年 旌冊

田孝女名玲姑父錫昌女以親老家貧守貞不字恃女紅奉

養父母歿喪葬盡禮奉祀粟主訪年五十三同治十一年

旌冊

孫孝女父有瑞女事親至孝守貞不字粵寇陷境夜行晝伏

為親乞食備歷艱辛父歿月餘旋卒時年四十九 己上

光緒餘杭縣志稿

光緒十六年 旌 孫冠瀛述

葉沈氏枚臣女孝事祖姑及舅姑禮相夫子鄰里以孝稱比

歿邑令董紳衿戚串各輓以詩刊成名曰香閣流芳光緒

十六年補 旌 沈氏家乘

朱光紱妻宋氏柔順端重事姑純孝姑病醫藥罔效兩次封

股以療皆愈人謂孝思所感以夫貴 封淑人 徐志淵述

劉貞女字史致信未婚夫故時年十六過門守貞訪年六十

鈕貞女字鮑德孚未婚訃至一慟幾絕請於母願奔喪鮑以

未親迎辭既暮門即扃先至者叩扉詭言有急事相告鮑

窺隙闖無人門始啟而輿從蜂擁至燈炬耀一室凡所需

均辦女降輿送嫁者為抱栗主成禮禮畢謁廟見舅姑脫

綵衣而縞素見趨苦次大慟有咎叩門人之爲諉者則大言曰某之來所以成氏之志適爲鮑氏宗族光豈多事哉  
女寡言笑足迹不出戶者四十二年卒年六十三

吳貞女字邵瀾未婚夫故時年二十一過門守貞辛酉遇賊不屈投水死已上孫樹義述

蔡貞女字引娘德清人父廷弼字餘杭邵氏子未婚夫死鬢以奔喪 己上光緒十年 旌兩浙校官詩錄

按此疑卽邵天森聘妻無從查核故並存之

聞福姑父錦元幼字沈大元年十九聞大元訃卽成服日夜哭泣寢食俱廢延二十七日櫛沐畢服涵自盡

章亥姑瑤圃女年十五同母避賊賊猝至圍其宅亥姑抱柱

光緒餘杭縣志稿

不去賊擊其手十指盡裂抱柱如故賊斫其肩背亥姑大

罵曰恨不爲男子盡殺汝輩賊大怒勒其頸而斃已上高鴻鼈述

徐清姑鸞女與父母兄弟同時殉難見徐瞿氏傳

陳貞姑父作霖母李同時殉難見陳李氏傳

孫廣照妻周氏年二十三寡慟絕數四而歿相去僅三時許

孫氏家乘

董基鼎妻曹氏董基慎妻胡氏曹年二十六寡越六日以身

殉胡去夫歿三日死 己上光緒十年補 旌董氏家乘

高鴻芬妻徐氏辛酉難作投朱家橋河下賊以矛起之氏持

其矛自戕時年二十六同治四年 旌

何元治妻曹氏光緒六年 旌



王作珩妻沈氏辛酉之難與夫同赴水死時年二十六

姚曾煦妻吳氏曾煦罵賊不屈被執氏求釋不得赴水死時

年三十 己上高 鴻鰲述

董鈴妻何氏幼秉家訓不苟言笑年二十餘寡痛不欲生嗣

聞寇警誓死不避家人強之去舟次仁和鎖荅橋與姊舟

遇泣曰姊亟去庶幾脫虎口未亡人死則死耳何以生為

越二日投水自盡

董寶銘妻盛氏庚申寇陷臨安旦暮且至氏涕泣曰賊來決

無生理生死命也遂自縊卒年二十七

王緒昌妾俞氏緒昌殉王戌難氏於次日親自含斂畢遂以

身殉 己上孫 樹仁述

光緒餘杭縣志稿

李塏妻孫氏辛酉罵賊被戕臨死猶罵不絕口 潘薌士述

高翼昌妻陳氏高永昌妻唐氏陳拒賊不屈死時年十九唐

賊脅不從同永昌殉難 高爾康述

徐鸞妻瞿氏子衡女清姑一門四口在瞿家埭同時殉難

黃麗豐妻金氏殉辛酉難 己上徐 協庚述

姚裕高妻余氏年三十二寡殉王戌難時年六十五 姚清祺述

貝榮高妻朱氏貝榮春妻王氏貝上珍妻馮氏榮高故多病

朱侍湯藥未期年而寡哀毀欲死父母以榮春子上珍可

為大宗後止之不數年榮春卒王悲痛幾絕朱勸同心撫

育踰年舅亦逝家日落二氏藉女紅供朝夕敬事姑二十

餘年如一日歿喪葬盡禮上珍長為授室馮氏辛酉粵賊

竄擾猝避地至木香埠同投水死苦節五十餘年馮氏亦

死高鴻

龍述

朱映舟妻陳氏沈裕妻陳氏鮑雲坡妻陳氏庚申賊至三氏

猝避至新塔前投池水深處死

陳拱垣述

姚曾魯妻郎氏聞夫被掠投水自盡 己上光緒十年 旌

孫樹信述

姚瑩慶繼妻趙氏上海人年十七歸姚善事舅姑撫前室二

子如已出逾年夫病故痛不欲生家人勸慰勉進飲食伺

防範稍疏服滷以殉距夫死十八日光緒十二年 旌

金鼎峙妻姚氏聞夫被掠痛不欲生兄嫂婉勸歸母家八閱

月賊復至氏積憤怒罵刃洞喉罵益厲遂被戕時年四十

光緒餘杭縣志稿

四

金明達妻沈氏性勤儉癸亥罵賊投水死時年五十五

陳塏妻林氏辛酉避寇至深潭口見夫被執投水死時年三

十五

己上金鼎元述

宋未田妻沈氏年二十三寡子甫晬撫孤守節十三年粵逆

至母子同赴水死

盛起述

陳作霖妻李氏避賊至五龍港遇賊不屈霖沒於港氏即與

女貞姑從死時年三十無子

韓鐘妻李氏賊至不屈被戕時年三十二

己上李紹柱述

李庚煥妻鄔氏年三十三寡家貧撫子女四人胥賴十指粵

賊至無資遷徙投河死

黃學淵述

朱光灼繼妻李氏辛酉賊至投福緣橋河死

李鎮圻述

吳作先妾余氏年二十七守節矢志不二辛酉避寇富春江

遇賊投水死時年三十二

孫志望妻李氏年二十七寡辛酉在天台殉難守節五十二

年 己上光緒十六年 旌 孫承治述

張懷妻強氏張文蘭妻孫氏強氏年二十九寡撫子文蘭成

立辛酉寇至同婦孫氏投河殉難文蘭子蓮芬現官直隸

道光緒十七年 旌

章復綦妻謝氏年二十六寡守節同治元年殉難時年六十

章基繼妻許氏早寡撫子錦成立家政肅然戚鄰敬畏之久

寓省垣辛酉城陷出城投三官塘河死

光緒餘杭縣志稿

章恩沛妻錢氏平湖人庚申聞警闔邑皆徙恩沛適赴平湖

錢獨居守族婦走告曰事急矣何不去此而以身殉氏曰

夫遠出去將焉從有死而已婦曰室無一人倘造黑白者

曩子奈何乃偕去抵族婦家而賊至索費不得遂刃之同

日死者有章亥姑自有傳

章周熊妻王氏庚申夏粵逆至章樞被戕并掠其子周熊去

氏曰舅死夫擄何生為以幼子託姑曰姑可無死婦稚弱

必被辱不如死之潔遂投河死 以上東鄉訪冊

李祿來妻柯氏李燭妻胡氏祿來禦賊賊刃其腰罵益厲賊

再刃之絕柯呼號求死賊斫之冢婦胡投井死 張丙生述

劉雙龍妻何氏劉元林妻孫氏劉長春妻胡氏壬戌避寇在

天井灣遇賊不屈與子元林妻孫長春妻胡同死南鄉訪冊

姚永和妻張氏年二十八夫故辛酉投河殉難時年四十縣冊

王楊氏年八十五在塔院前殉難王子賡述

郎錚妻陳氏辛酉遇賊不屈與妹同赴水死孫國治述

陳半耘妻林氏庚申在千金寺漾殉難

陳甘霖妻王氏弟婦姚氏甘霖父秉調辛酉歲父子妯娌同

在吳山漾殉難

楊元箸妻某氏辛酉同元箸投木竹河殉難

陶失名妻王氏春浦女陶家滬上館維揚聞母病危亟返滬

侍湯藥兩月母卒悲慟逾恒旋歿氏一慟幾絕斂畢成服

絕粒以殉

光緒餘杭縣志稿

黃學詠妻吳氏翁詠盛妻黃氏陳嗣堂妻黃氏均殉粵寇之

難已上徐志淵訪

姚吉士妻王氏庚申寇至氏侍翁姑避康村全家被執賊曰

得金則釋氏挺身出曰我家居天竺堰欲得金可隨往賊

信之時氏妊不能行賊以筠筐舁行數十里氏度舅姑及

夫已遠颺詈賊曰我安有金給汝以活一家耳賊憤甚劊

腹出嬰兒於尸側時年二十一王樹森述

張鈺妻王氏同治元年鈺避寇至錢塘五貴橋罵賊不屈死

氏同時投水以殉時年三十七

徐萬全妻瞿氏庚申賊至見瞿有殊色爭欲得之氏大罵賊

眾刃交下出其心肝烹食之曰是何鐵石心腸一堅至此

黃德潛妻印氏咸豐庚申同時殉難已上孫樹仁述

高嘉禾妻徐氏嘉禾被粵匪戕於安樂橋氏痛夫死之慘投

河以殉時年二十三姚熙續述

郎念祖妻褚氏 郎永銓妻金氏 郎永銳妻盛氏

郎彥照妻蔡氏 郎可秀妻韓氏 郎彥祥妻吳氏

郎耀庚妻金氏 郎寶玉妻高氏 郎殿飛繼妻馮氏

郎可玉妻金氏 郎可遠妻徐氏 郎可明妻高氏

郎兆昌妻宇氏 郎兆賢妻王氏 郎兆貴繼妻孫氏

郎兆堂妻楊氏已上郎氏家乘均光緒十六年旌

沈其濬妻馮氏 郎達泉妻童氏 郎會盟妻盛氏已上進賢庄訪

册 沈培之妻朱氏沈又表妻章氏傳

光緒徐沅緊志稿

王以慶繼妻徐氏性貞靜嫁甫四十日而寡時年二十慟不

欲生姑慰之曰死者不可復生子甯不痛之但殉夫何益

汝來歸卽未久或有遺腹冀延王氏一綫盍少節哀以紓

予痛自是銜哀事姑勉盡孝養及月辰果舉一子日夕勤

女紅爲事畜計姑病謹事湯藥歿喪葬盡禮撫子紹祖成

立授室而卒年三十有九

盛愷妻沈氏光緒二十三年壽一百歲經紳士禮科給事中

褚成博禮部郎中吳景祺等呈請巡撫廖壽豐題請 旌

表給銀建坊曰貞壽之門

盛起妻褚氏起好施予屢捐鉅款氏家閑林見貧民疾病死

亡無門乞貸乃斥售衣飾益以歷年鍼紉之資得洋銀二